



Wantok



Homstail
Irish Stew

**Swit
moa!!**

Namba 2016 Epril 18 - 24, 2013 28 pes

Niuspepa Bilong Yumi Ol PNG Stret!

K1 tasol

3 lucky winners will WIN! A RETURN TRIP TO WATCH MANCHESTER UNITED IN SYDNEY

PRIZE INCLUDES

- 1 Game Pass
- Travel Allowance
- A return ticket
- Accommodation for 2 nights

Visit your nearest Telkom Shop now!

24/7 Customer Care Call 345 6789 or www.telkompng.com.pg

POWER UP & STAY CONNECTED

Bain wargia Digicel 3G+ modem na bal you kwin 200MB FRI Data.

Kam insait lo etoa tudel

INSAIT

Kulunga tok sori long Australia famili... P2

Madang na Lae stap wantaim pret long kalabusman ronawe.. P3

Bimobail na Vodafon kampani i kamap P27



8-pes saplimen bilong PNGSDP i stap insait... P15 - 22

Eks Ami: Praim Minista bilong Fiji Bainimarama, i lukluk raun long ol soldia bilong PNG taim em kam daun long Jackson ples balus long 4-pela de raun bilong em long Papua Niugini. Praim Minista Bainimarama em wanpela eks ami bilong Fiji long bipo. *Poto Nicky Bernard.*

200MB FRI DATA

Digicel 3G+

DIGICEL 3G+ MODEM

ONLY K79

Digicel

Tom Piper Braised Steak & Onions

Teis i stap long bipo yet!!

Planti mit na Swit Moa!

Kulunga tok sori long Australia famili

Nicky Bernard i raitim

POLIS Komisina Tom Kulunga i tok sori i go long ol famili bilong man Australia husat ol man kilim long Mt Hagen wantaim tu em tok sori tu go long famili bilong wanpela meri husat ol sem man bin mekim pasin nogut long em.

Kulunga, i tok dispela kain pasin ol man mekim em bilong ol animol na i no ol man na Papua Niugini no nidim ol.

“Mi tok klia go long ol famili bilong man Australia olsem bai ol polis manmeri bilong mi bai wok hat long kisim ol dispela lain husat i mekim dispela rong bai kam ples klia,” Kulunga i tok.

Em tok tu olsem dispela em liklik kominiti na ol man mekim dispela rong bai kam aut yet na em singaut strong go long ol kominiti lid klostu long dispela birua ples long kam aut na helpim polis long kisim ol dispela man nogut.

“Mi singaut long ol kominiti lid long ol dispela ples, Airport Taun Kaunsel Depel Kewa long Yamka Maipngil klen, Kansola Charles Kenken long Yamka Pepka klen, Kansola Steven Rop long Kemi traib na Kansol Bras Raim long Kukulka klen long helpim ol polis

manmeri long kisim ol dispela trabol man kam long polis,” Kulunga i tok.

Polis Komisina tu i tok aut long dispela brek na enta long Polis Het Kota we sampela ol olupela gan an pistol bin lus long Mande nait.

Em tok ol dispela ol olupela gan na pistol ol wok man bilong em i kisim olgeta kam bek pinis long long Trinde dispela wik.

“Polis het kota i nogat ples bilong ol gan o amari, dispela ol gan na pistol em ol olupela bilong brukim na kukim we mipela senisim na putim stap long het kota,” Komisina Kulunga i tok.

Ol raskol bin brukim banis na kalap go insait long dispela opis we ol dispela olupela gan na pistol stap na kisim olgeta. Long dispela taim tu i nogat polis man bin wok taim ol raskol brukim na go insait.

Kulunga i tok ol wok manmeri bilong em i wok long painim aut yet na liklik taim bai ol tok aut long husat tru bin mekim dispela rong.

Em tok tenkyu go long Andy Bawa na ol wok man bilong em long wok hat na mekim gutpela wok long kisim dispela 15-pela pistol na wanpela sotgan na .22 bulet kam bek long 72 awa tasol.



Ol kisim bek olgeta gan...

Olgeta pikinini bai go long skul

...Gavman na ol sios wok wantaim long korapsen na moa

KAM neks yia, 2014, olgeta pikinini long kantri bai stap long skul, Praim Minista Peter O'Neill i tok olsem taim em bin toktok long ol Katolik bisop bilong PNG na Solomon Ailan husat i stap long Anuel Jenerel bung bilong ol long Aleksishafen, Madang.

Mista O'Neill i tok gavman bai peim skul fi bilong ol skul pikinini na ol famili bai bihainim.

“Mipela i bilip olsem ol pikinini i gat rait long edukesen,” Mista O'Neill i bin tok las wik Mande taim em bin toktok long ol bisop long Madang.

Em bin toktok tu long strongim wok patna namel long gavman na ol sios taim ikononi bilong kantri i wok long groa na mao mani i kam insait we gavman i ken yusim long kisim sevis i go long pipel.

Wari we gavman na sios i gat i no long edukesen tasol long ol narapela eria tu olsem helt, pablik sekuriti, pait agensim korapsen, ol infrastraksa, na ikononi divelopmen long ol lokal komyuniti em ol samting we Mita O'Neill i tok gavman bilong tude i givim bikipela lukluk long ol.

Long toktok bilong em i bekim Praim Minista O'Neill, Asbisop John Ribat bilong Pot Mosbi Asdaiosis na Siaman bilong Konprens bilong ol Katolik Bisop (CBC) i bin wokim singaut long gavman i rausim “death penalty” o loa bilong kilim dai ol man i wokim bikipela trabel we gavman i bin kamapim long em sampela yia i go pinis, gutpela toktok na luksave long sanap bilong ol sios long edukesen, famili



SEKAN: Praim Minista Peter O'Neill i sekan wantaim wanpela bisop taim em i go kamap long AGM bilong ol long Alexishafen long Madang Provins. Poto: Pater Giorgio Licini, Sekreteri bilong Sosel Komyunikesen wantaim CBC

velyu, sekim na glasim ol wok long timba na maining eria, na ol apesel ikononi zon.

Mista O'Neill i bin tokim ol bisop olsem ol sios woklain i stap long ol patnasip progrem wantaim gavman, olsem long helt na edukesen bai kisim wankain pe olsem ol dispela long gavman.

Em bin luksave tu long hevi we Ok Tedi main long Westen Provins

i kamapim na planti ol meri na pikinini i wok long dai long hap.

Bihainim askim bilong Asbisop Francesco Panfilo bilong Rabaul Asdaiosis, Mista O'Neill i bin wankain long kisim ol bos bilong Edukesen na Helt Dipatmen long wok long nupela, gutpela na balens patnasip prektis namel long ol sios na gavman.

Asbisop Panfilo i tok long sait bi-

long edukesen, tripela samting i bikipela long sios.

Em long apoinmen bilong ol tisa, seleksen bilong ol sumatin na karikulum polisi na ol samting i stap long ol.

Long sait bilong imigresen, tingting bilong Mista O'Neill i no wankain wantaim dispela bilong Australia long isu bilong ol asailum sika long Manus, o lain bilong ol

narapela kantri i ronawe lusim ol asples kantri bilong ol bikos long hevi, na painim seif na gutpela kantri long stap long en.

Mista O'Neill i tok PNG i laikim bai ol asailum sika i miks wantaim komyuniti, na ol lain i gat ol skil na wok long wok long PNG tai mol i wet long ol atoriti bilong Australia i glasim, skelim na stretim ol pepa bilong ol.

Madang na Lae stap wantaim pret long ol kalabusman ronawe

MADANG na Morobe provins nau i stap wantaim pret bihain long tupela haus kalabus long dispela tupela provins i lukim bikpela namba bilong ol kalabus man wantaim bikpela trabel o sas i ronawe.

Long Madang, pret i stap yet long ol distrik na haiwe rot long Madang-Ramu Haiwe bihain long 49-pela kalabus lain i bin ronawe long Beon haus kalabus long Madang.

Las wiken tasol 40-pela kalabus lain i ronawe long Buimo haus kalabus, na dispela i mekim bikpela pret tru long pablik husat i save ron long PMV namel long Lae na Madang Haiwe.

Momase Rijenal Polis Komanda, Nema Mondiai i

tokaut olsem polis long rijen nau i gat bikpela wok tru na em i sutim tok long ol Koreksenal Sevises opisa o woda.

Em i tok nau yet polis i gat bikpela wok tru nau long holim pas dispela ol ronawe kalabusman.

Ripot long Ekting PPC bilong Madang, Jacob Bando i tokaut olsem 49 kalabusman i bin ronawe na polis wantaim woda i holim 9-pela tasol, na arapela 40-pela i hait yet.

Long Lae, 44 kalabusman i bin ronawe long Buimo, na 19-pela em polis i kisim na wanpela em ol i sutim indai.

Komanda Mondiai i tok olsem ol dispela namba bilong Beon long Madang na Buimo long Lae, i mekim olsem nau yet i gat 65

bikhet man nau i hait na raun.

Em i tokaut tu olsem dispela ol lain husat i ronawe long Buimo em ol lain husat i wetim kot bilong ol, na planti long ol i go kalabus wantaim sas bilong kilim man, bagarapim meri, stil wantaim gan na ol arapela hevi.

Ekting PPC Bando i

mekim bikpela askim i go long ol ruel komyuniti long Madang long helpim polis long givim infomesen sapos ol i lukim sampela nupela pes lain i wokabout raun insait long bus o eria klostu long ol.

Planti ol PMV bas draiva na bos-kru tu nau i stap wantaim pret bihain long ol lain kalabusman i ronawe

bikos ol lain ya i ken sanap long rot na blokim rot na stil long ol man na tu bagarapim ol meri long bas.

Wanpela bas draiva, Peter Kondo i tokim *Wantok Niuspepa* olsem ol PMV draiva nau i stap wantaim bikpela pret, na bai yusim mobail fon oltaim long ring na toksave long lain bilong ol long wanem ples ol i stap

long en taim ol i ron long haiwe.

"Mipela wok long yusim mobail fon long toksave long papa bilong bas na ol lain bilong mipela long wanem ples mipela i stap long en nau, bikos mipela pret tru olsem ol lain kalabus man nau i stap ronawe yet na i ken bagarapim mipela long rot," Kondi i tok.

Yunivesiti ov Goroka i straik

Sape Metta i raitim

TUPELA sumatin i kisim bagarap, 30-pela arapela i stap insait long polis lokap nau, na bodi na glas bilong wanpela 25 sita bas i bruk nabaut bihain long ol sumatin long Yunivesiti ov Goroka (UOG) long Isten Hailans stopim ol klas na kamapim straik long Tunde nait dispela wik long i no amamas long pasin na em ol menesmen tim aninit long lukaut bilong Vais Sansela Dokta Gairo Onagi i mekim long ol.

Sumatin lida na mausman Nelson Mollo, i tok ol sumatin i no amamas long planti samting bikos ol lain husat i stap long atoriti o ol menesmen tim long UOG i no save long harim na skelim gut hevi na wari bilong ol sumatin.

Em i tok em i no namba wan taim long kain pasin i kamap long UOG.

Long ol yia i kam i go pinis, ol sumatin i save kisim wankain tritmen we i nogat senis long en.

Olsem na long dispela as, ol i kamap wantaim dispela tingting long stopim ol klas, soim na tokaut long belhevi bilong ol.

Mollo i tok bikpela tingting bilong ol sumatin nau em long askim Vais Sansela Dokta Gairo Onagi long risain long wanem, long lukluk bilong ol, em na menesmen tim bilong em i no save mekim gut wok bilong ol long sevim na tu adresim ol bikpela isu em ol sumatin i save bringim i go

long ol.

Lokel MP na memba bilong Henganofi na Vais Minista bilong Foren Afeas, Robert Atiyafa, husat em wanpela memba bilong UOG kaunsel, i kamap long yunivesiti na tokim ol sumatin olsem ol i ken stopim ol klas long soim bel hevi bilong ol, tasol ol i noken bagarapim stet propeti long wanem, long dispela ol propeti tasol, ol sumatin bilong nau na tumoro wantaim bai kamap na kisim skul tu long dispela yunivesiti.

Em i tok olsem, wanpela lida na memba bilong kaunsel, em i askim nau ol kaunsel memba long kamap long yunivesiti long nau (Fonde), sindaun, paitim na skelim ol toktok long gutpela pasin, na kamap wantaim gutpela tingting long dispela ol isu we i wok long kamap na long gutpela bilong ol sumatin na yunivesiti tu.

Atiyafa i tokim moa long 1,000 sumatin olsem em i no laik lukim ol sumatin i karim belhat bilong ol i go na bagarapim ol propeti long yunivesiti long wanem i gat ovais sumatin tu i stap em ol gavman bilong ol i sponsorim ol na ol i stadi long dispela yunivesiti.

"I gat rot bilong stretim dispela ol hevi em i stap, olsem na yumi mas i kisim dispela rot long stretim ol hevi bilong yumi na pinisim. Sapos yumi mekim olsem, yumi ken kamap wantaim sampela gutpela tingting long pinisim dispela ol hevi wantaim gutpela bel na bel isi," Atiyafa i tok.

new
Sumatin Account

BSP
SUMATIN
1234 6754 8901 2345
expiry date 06/15

- ✓ Reduced account fees
- ✓ No monthly maintenance charge
- ✓ No minimum balance required
- ✓ Mobile and Internet Banking access

Like us on follow us on

BANKING MADE EASIER FOR STUDENTS ON THE GO!

INTRODUCTORY OFFER: Bank service charge FREE for phone top ups via mobile phones and ATM until 31st May

For more information
 320 1212 or 7030 1212 / 24/7
 servicebsp@bsp.com.pg
 www.bsp.com.pg

BSP
Official Sponsor of the 2015 Pacific Games

TELE Apdeit

Winim balus tiket long lukim Manchester United

Kamap wanpela long tripela laki wina long go lukim Manchester United i salens wantaim A — League All Stars long ANZ Stadium long Sydney long mun Julai.

Prais em:

- 1-pela Gem Pas
- Wanpela riten balus tiket
- Tupela nait rum-silip
- Travel alawens mani

We bilong Winim

Spendim K200 o moa long wanem kain Prodak bilong Telikom, wantaim nem na adres bilong yu baksait long risit, dropim i go insait long wanem Telikom stoa na go insait long dro.

Telikom Trening Koles

Telikom Trening Koles i ofaim City & Guilds Certificate na Diploma 1 na 2 long Telekomunikesen Sistems.

Ol dispela program, ol i luksave long ol long olgeta hap long wol, we i save kam long City & Guilds, London na Telikom Training College em i wanpela institusen long PNG tasol husat i save givim ol dispela trening program.

Diploma 1 na 2 i save givim skul long;

- Ilektroniks (Electronics)
- Infomesen Komyunikesen Teknoloji (Information Communication Technology)
- Telekomunikesen Teknoloji (Telecommunication Technology)

Long kisim moa toksave long nupela enrolmen, ringim Kana Wai o Howard John on 4757137

24/7 Kastoma Kea long 3456789



MINISTA WANTAIM OL CHS WOKLAIN: Tripela Katolik Sister i amamas long sanap wantaim Minista Malabag bihain long em i opim namba 43 CHS bung long Mosbi. *Poto: Veronica Hatutasi*

Sios na gavman i mas sapotim wanpela narapela

...Luksave long bikpela wok long helt na edukesen

Veronica Hatutasi i raitim

BIKOS planti manmeri na pikinini long PNG i save stap long ol rurel eria o ol ples, nesanel gavman i laik kamapim gut provinsel na rurel helt sevis na em bai kamapim dispela taim em i givim moa sapat i go long Kristen Helt Sevis (CHS).

Helt na HIV na AIDS Minista, Michael Malabag, i bin wokim dispela toktok long namba 43 bung bilong ol Sios Helt Sevis ol i save holim olgeta yia na i kamap

long Holiday Inn long Mosbi long dispela wik.

Taim Minista Malabag i luksave long bikpela na gutpela wok we ol sios i wokim long kisim helt sevis i go long ol pipel, moa yet long ol rurel eria bilong dispela kantri, em i tok gavman nau i givim moa mani sapat na tu, sapat long ol narapela eria long strongim CHS long karimaut wok bilong em.

Tasol long wankain taim, Minista Malabag i tok wantaim moa mani na ol narapela sapat, ol sios na CHS

i mas mekim wok long sait bilong em long sapatim O'Neill na Dion Gavman long strongim helt sevis.

Ol eria we CHS na ol sios i mas mekim long strongim sapat we gavman i givim em long sainim wanpela Memorendum ov Agrimen wantaim gavman, wokim komitmen long givim ol ripot long rot ol i yusim mani we gavman i givim long en, givim ol ripot i go long gavman bihainim Seksen 119 wantaim ol provins na wan wan ejensi ripot, long ol sios i mas tok

orait long wok wantaim gavman long go hetim ol bikpela senis insait long helt sekta olsem long PHA i kamapim gut menesmen long provinsel level, na tok orait long glasim CHS Ekt bilong 2007, skelim nits bilong ol CHS, gavman na helt sekta na ol i ken go hetim Nesanel Helt Plen.

Minista Malabag i tok ol sios i mekim bikpela wok long sapatim gavman long kisim helt na edukesen sevis i go aut long ol bus ples, na antap long en tu, wokim ol infrastaksa divel-

opmen long kantri.

Em it ok long ripot em i kisim las yia, ol CHS i papa long 50 pesen lon g total helt sevis long kantri, Namel long 70 na 80 pesen bilong rurel helt long sampela provins, 720 helt senta i gat long en 17 rurel haus sik lon g ol provins, 3,557 helt woklain na baset sapat long K94 milian i kam long gavman insait long wanpela yia.

Moa long 200 bikman na meri bilong CHS long olgeta provins is tap insait long dispela bung.

Laikim wok painim long K3 milian RESI mani bilong Tusbab Sekonderi

WOK investigesen o painimaut i mas kamap long Madang Distrik Treseri long paulim K3 milian RESI mani ol bin katim bilong mekim ol wok long Tusbab Sekonderi Skul long Madang Provins.

Ol papamama we ol pikinini bilong ol i skul long Tusbab Sekonderi i wari long dispela samting bikos dispela bikpela hap mani i bilong bildim ol samting we ol pikinini bilong ol bai kisim gutpela save long en.

Em ol samting olsem nupela skul banis, nupela edministretiv bilding, 8-pela nupela klasrum, 6-pela nupela haus tisa, pesenel developmen

senta, kompyuta leboratori na skul laibreri long en.

Wanpela papa i autim wari bilong em long *Wantok Niuspepa* na tok pasin we Madang Distrik Treseri i wokim long yusim K3 milian RESI mani i no stret na wantaim ol narapela papamama, ol i singaut long Task Fos SWEEP Tim long karimaut wok painim long dispela samting.

"Dispela mani i gat wok bilong em long stretim ka bildim ol nupela klasrum na tisa haus. Dispela em ol samting long helpim ol pikinini i skruim save na kisim gutpela lainim, tasol i no kamap olsem ol papa-

mama na ol sumatin i laikim long en bikos ol i paulim dispela K3 milian," papa husat i no laikim bai nem bilong em i kamaut long niuspepa, i tok.

"Polis Frod Skwat na Tasfos Sweep Tim i mas karimaut painim long ripot i bin kamap long niuspepa olsem Tusbab Sekonderi i sot long ol klasrum na ol haus tisa.

"Paulim na stilim K3 milian RESI mani em i bikpela kriminal asua, na loa i mas holim ol lain i wokim dispela paulim na stilim mani pasin," papa ya i tok.

Em i tok pastaim Tusbab Bod ov Gavana i bin kamapim projek plen na

go hetim dokumen lon g 8-pela projek. Wanwan projek em ol i makim wanem wok bai kamap long en, hamas manimak bai kisim long wan wan ol projek na ol samting olsem.

Em i tok Tisbab Bot ov Gavano husat i bin sanapim Tusbab Projek Staring Komiti i bin tok oraitim ol wok bai kamap long dispela K3 milian projek wantaim man ii kam long RESI.

Em i tok ol bin givim ol wok long ol projek i go long Madang Provinsel Saplais Tendas Bot long givim long Tusbab Bot ov Gavano long tok oraitim, tasol ol no bin bihainim

dispela rot.

"Ol no bin bihainim dispela rot, tasol ol i givim ol RESI Fan i go long stret long Madang Distrik Treseri long kontrolim taim ol bin sapos long putim long Tusbab Bot ov Gavano projek akaun", papa ya i tok.

Em i tok i moabeta long ol papamama na pipel bilong Madang taun we ol pikinini bilong ol i skul long Tusbab Sekonderi i mas save olsem korapsen i kamap long Madang Distrik Treseri long K3 milian RESI mani skul i sapos long yusim long bildim ol nupela klasrum, haus tisa na ol narapela samting we skul i laikim long en.

Abel salensim ol lida long bihainim loa na banisim DSIP, PSIP, na LLGSIP

Stanley Nondol i raitim

NESENEL Plening Minista, Charles Abel, i singaut long olgeta provinsal, distrik na ol lokol level gavman menesa long bihainim gut polisi na loa we i banisim publik mani.

Em i tok ol i mas mekim gut wok bai ol pipel long ples i ken kisim gut ol gavman sevis.

Minista Abel i toktok strong moa olsem gavman i bin apim mani mak bilong

DSIP, PSIP, na tu, LLGSIP go antap na bin givim K1.6 bilian long 2013 baset, na tok nau em i taim bilong ol provinsal na distrik administreta, wantaim ol LLG menesa long bihainim gut loa na polisi long rot bilong yusim publik mani.

Mista Abel i tokaut tu long ol nupela administretiv gaitlain na fainens instraksen we Nesenel Eksekutiv Kaunsel i bin tok orait pinis long yusim stat long dispela yia we ol i bin tok orait long en long Janueri 1, 2013.

Em i mekim dispela tok-tok long wnapela bikpela ki-

bung bilong DSIP, PSIP, na LLGSIP bilong NCD, Galp na Sentral provins long Pot Mosbi na lukim ol distrik na provinsal administreta na LLG menesa wantaim tu ol mausman bilong ol gavman na Fainens, Nesenel Plening bin kamap long hap we Diaptem bilong Implimentesen na Rurel Dvelopmen DIRD, i bin go pas.

Long dispela bung, ol i kisim luksave bilong ol polisi na loa we NEC i bin tok orait long yusim.

Dispela nupela fainens instraksen aninit long Fainens Menesmen Ekt, i

tok klia olsem tenda wok abrusim K500,000 mas go long Provinsal Saplai na Tenda Bod na JDPBPCV i nogat pawa long givim tok orait.

JDPBPC, wantaim siaman husat em memba bilong palamen, bai givim tok orait long mani mak mas noken abrusim K500,000.

Na dispela bai kamap bihain long Teknikal lveluesen Komiti o TEC bilong provins na distrik i glasim gut ol pepa bilong kisim wok kontrak olsem kwotesen na ol tenda pepa.

Sapos tenda wok i go

moa long K5 milian i mas go long Sentral Saplai na Tendas Bod, long silektim ol kontrakta na givim ol kontrak wok na putim was long ol wok.

Aninit long nupela fainens instraksen, ol JDPBPC bilong provins na distrik mas salim projek proposal na lis bilong ol i go long DIRD na bai ol i glasim gut. Sapos em i stap insait long polisi na loa, bai ol i salim i go long Nesenel Plening bai ol i salim mani i go long wanwan DSIP na PSIP trask akaun.

Minista Abel i tok O'Neill-

Dion gavman i tokaut long ol pipel long ples bai kisim gavman sevis, na givim bikpela mani, tasol em i gat bikpela wari sapos ol dispela mani bai go stret long wok, o nogat, na em i salensim ol lida na administreta long bihainim gut rot long yusim mani, we i stap long polisi na loa.

Minista Abel i singaut tu long ol wanwan memba bilong palamen long tok klia long publik na putim ripot i kam ples klia rot, long wanem hap publik mani i bin go long en, na long wanem kain wok.

Praim minista tok liklik politikal pati bai stap yet

PRAIM Minista Peter O'Neill Praim Minista Peter O'Neill i tokaut olsem Nesenel Ekesetive Kaunsil o NEC ino givim tok orait yet long ol liklik politikel patis bai joinim bikpela patis taim oli no winim inap sia long palamen long taim bilong nesnel eleksen.

Praim Minista O'Neill tok ol liklik pati igat rait long

makim ol pipel long flo bilong palamen na gavman bai respektim rait bilong ol pipel husat makim ol lidas long nem bilong politikel patis.

Praim Minista O'Neill mekim dispela tokklia las wik bihain long regista bilong poliitkel patis na kendidet Dokta Alphonse Gelu itok out long nus

olsem politikel pati husat i no winim 5-pela sia bilong memba bilong palamen long taim bilong nesnel eleksen em bai ol mas joinim ol patis i

winim memba moa long 5-pela.

Praim Minista tok NEC i no givim tok orait na salim dispela pepa bilong Dokta Gelu go bek long opis bilong

Politikel Patis na Kendidet long lukluk gut na kamapim ol sampela senis insait long politikel pati tasol tingting bilong ol liklik pati nogat 5-pela memba long joinim bikpela pati em i tok nogat.

Mista O'Neill i tok bai gat sampela senis i kamap long sait bilong baset, we husat ol pati we i nogat planti memba, bai kisim fanding

daunbilo, na husat i gat bikpela namba bai kisim manimak i antap moa.

Long wankain taim, Mista O'Neill i tok sanguna loa we Loa Rifom Komisn na Atoni Jeneral, Kerenga Kua i go pas long kamapim det penolti, bai luk olsem em bai no inap kamap hariap.

Jastis na Atoni Jeneral Minista wantaim Loa Rifom

Komisn nau i go pas long stretim sanguma loa long husat i kilim dai narapela long sutim tok long pasin sanguma tu, bai dai aninit long loa.

Tasol Mista O'Neill i tok dispela bai no inap go hariap long floa bilong palamen, na bai kisim sampela taim long NEC bai lukluk long en.



Digicel PNG givim 54 mobail fon long ol Ministri Lida husat i kam long Papua Niugini long yut semi we bin kamap long Pot Mosbi. Publik Rilesen Menesa Jayleen Morris bin givim go long Minista bilong Spot na Ivens Justin Tkatchenko. Poto Nicky Bernard.

AGRICULTURE TRACTORS



- Slashers
- Disc Ploughs
- Disc Harrows
- Post Hole Augers
- And Other Attachments for Farming

90hp

70hp

50hp

AGMARK
MACHINERY

PORT MORESBY: 323 5572 | LAE: 472 6324 | KOKOPO: 982 8748
machinery@agmark.com.pg

BEYOND BOUNDARIES

SUNDAY, 6PM - 6.30PM

Topic of the week:
**Housing is a major concern in Papua New Guinea;
How is the Government dealing with this issue?**



FM100

PNG's Information & Music Leader

Text 1610

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLUKUMA 100.1
ANGORAM 100.8	DREKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMAMAL 100.8	TARI 100.5	WAU/BULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

EHP PPC laikim manmeri long sekim dai bodi

Sape Metta i raitim

ISTEN Hailans Provinsel Polis Komanda Sif Suprintenden John Kale i askim ol pablik long Isten Hailans olsem husat ol papamama o ol famili husat i luksave olsem wanpela famili memba bilong ol i lus long las wik yet, ol i mas kamap long CID opis long Goroka na mekim ripot.

Em i mekim dispela askim bihain long lokol polis long Goroka i painim wanpela bodi blong daiman i bagarap pinis long Wara Kamaliki autsait tasol long Goroka long Fraide wik i go pinis.

Mista Kale i tok ripot i kamap long National Niuspepa long Mande olsem lokel polis i painim tripela bodi, em i

no tru.

Em i tok bodi bilong daiman em bilong wanpela yangpela meri husat em ol i mas sutim tok long em long wokim posin o sanguma na ol i kilim em i dai, na tro-moi em i go daun long Wara Kamaliki.

Mista Kale i tok bodi i gat planti mak bilong ol man i mas paitim nabaut na tu ol i katim rausim tupela lek na tupela han bilong em. Ol i brukim tu bel bilong em na em i hat tru long luksave long bodi.

Em i go moa na tok, luk olsem dispela birua i kamap long posin o sanguma olsem na i gat bilip olsem o manmeri long pablik bai no nap kamap long painimaut em husat na kisim bodi.

Haphap bodi istap nau long Goroka Bes Jenerel haus sik.

Isten Hailans Famili Vois wokbung wantaim Unggai-Bena distrik

Sape Metta i raitim

WANPELA lokol non gavman ogenais-esen (NGO) Grup long Goroka – Isten Hailans Famili Vois (EHFV) i lonsim patnasip progrem we em i kamapim tingting nau long wok patnasip wantaim Unggai-Bena distrik long Isten Hailans long kamapim gutpela na trabol fri komyuniti long dispela distrik.

As tingting bilong dispela patnaship progrem em long kamapim ol referal sevis, edvokesi, aweanes na trening progrem.

EHFV eksekutiv Dairekta John Erico long taim bilong lonsing long Unggai-Bena Distrik Edministresen Senta long Lahame long Tunde dispela wik itok olsem em i amamas long wok wantaim ol pipel bilong Unggai-Bena long wanem, em i laik mekim dispela distrik i kamap olsem wanpela model distrik we olgeta pipel long Isten Hailans na ol arapela provins tu bai ken luksave long en.

Em i tok EHFV i save wok strong long helpim na kamapim gutpela na helti famili long wanwan komyuniti insait long provins.

“Insait long famili na ol komyuniti, faipela samting em i save i stap long bagarapim sindaun bilong ol famili, na dispela ol samting em pilai kas, kisim ol drag nogut olsem mariwana, dring bia na ol arapela strongpela dring na spak nambaut, pamuk pasin na sanguma

(posin),” Mista Erico i tok.

Em i go moa na tok dispela faipela bikhet pasin tasol i mekim na ol distrik na provins bai no inap senis na gro. Senisim pasin na ples tu bai senis, na divelopmen bai ken kamap, na gutpela sindaun tu bai ken kamap na ol famili bai ken stap gut na amamas.

Ekting Unggai Bena Distrik Edministreta Jonathan Resis itok amamas long wok patnaship wantaim EHFV.

“Mipela long distrik i amamas long wok wantaim EHFV long wanem mipela i luksave long gutpela wok ol mekim long helpim ol famili na wanwan komyuniti. Mipela laik wok patnaship, long wanem, laip bilong ol famili insait long ol komyuniti bilong mipela na ol arapela distrik tu long provins em i bikpela samting,” Mista Resis itok.

Em i surukim toktok i go moa na tok narapela samting em ol pipel i mas kisim long ol yet em onasip. Olsem na em i tok strong long ol pipel bilong Unggai Bena long tekim ap onasip long dispela patnaship progrem wantaim EHFV.

Mista Resis i tok lokel memba bilong Unggai Bena Benny Allan i amamas tu long dispela patnaship progrem na em i mekim komitmen long givim K150,000 na wanpela kar long sapotim wok bilong EHFV.

Lonsing bilong dispela patnaship progrem ibin kamap long Lahame long Bena eria na bihain long sem dei i kamap tu long Numurapoka long Unggai eria.



STAP LONG DEDIKESAN LOTU: Ol lain i kam long Gemeni i stap long opening na blesing bilong nupela Asini haus lotu long Salamaua, Morobe Provins las wik.



PNG POWER Ltd

TOK LUKAUT LONG MEKIM OL ILEKTRISITI KONEKSEN YU YET

Dispela toksave em bilong tok lukaut long jeneral pablik agensim wanpela stori, “Adding A Circuit”, we i bin kamap long pes 34 bilong National Niuspepa long Tunde, Epril 9, 2013.

Pablik i mas luksave olsem ol step insait long dispela stori i no bihainim ol Ilektrikal Wairing stendat hia long Papua Niugini, olsem na em i ken kamapim birua long laip bilong ol manmeri husat i laik bihainim ol dispela step insait long dispela niuspepa stori.

Pablik i mas luksave tu olsem wanem kain Do-It-Yourself (DIY, o mekim yu yet) ilektrisiti koneksen em i brukim loa aninit long Seksen 39 bilong Ilektrisiti Ekt.

Ekt i tok olsem wanem ilektrikal wairing wok, em wanpela Ilektrisen, husat i holim laisens aninit long dispela Ekt, o husat wokmanmeri bilong wanpela Ilektrikal Kontrak Kampani i gat laisens, i mas mekim, aninit long stia bilong wanpela Ilektrisen i gat laisens.

NASFUND FM100 TALKBACK SHOW

MONDAY - FRIDAY, 9AM TO 12PM

Participate and be heard on an open forum on National Radio



FM100

PNC's Information & Music Leader

Studio: 323 3777 or 323 3999

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCI 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.8	TARI 100.5	WAUBULOLO 100.8
BOGIA 100.5	GOROKA 100.2	KIMBE 100.3	LJHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8



Praim Minista bilong PNG, Peter O'Neill sindaun namel wantaim Sekreteri Jeneral bilong Komonwelt Yut, Ekselesi Kamalesh Sharma long han sut bilong em na Mis Loujaya Toni, Minista bilong Yut, Meri na Sios na Komyuniti Dvelopmen long han kais bilong em wantaim sampela ol yut minista bilong Komonwelt nesen I sindaun long femili foto. Foto: Nicky Bernard

Frieda Kana raitim

Komonwelt Yut Komisin i holim namba 8 miting bilong ol Yut Minista bilong Komonwelt nesens long Pot Mosbi stat long Tunde 16 Epril 2013.

Miting i stat wantaim wanpela opim seremoni ol i holim insait long Sea John Gais long Tunde nait. Namel long ol yut

Namba 8 Komonwelt Yut Minista Miting i kamap long Pot Mosbi

minista na ol bikpela lain i kam long 55 kantri, em Praim Minista bilong Papua Niugini, Mista Peter O'Neill, Sekreteri Jeneral bilong Komonwelt Yut,

Ekselesi, Mista Kamalesh Sharma na Mis Noelyn Wagapu-Tuza, Siameri bilong Pen Komonwelt Yut Kokas na sampela memba na ol minista

bilong PNG gavman.

Praim Minista O'Neill i bin opim dispela miting na i tok bikpela welkam tru long ol 55 Komonwelt minista na ol lain bilong ol na em i tok tenkyu tru long Yut Komonwelt Yut Komisin makim PNG long holim dispela namba 8 Komonwelt Yut Minista miting.

"Komonwelt nesens ol i sempion tru bilong mekim ol gutpela wok long taim bilong bikpela ol senis i save kamap long wol. Em i wanpela strongpela fos i gat pawa bilong strongim demokresi na fridom. Komonwelt i bin kamap sempion tru long wok bilong ol yut na ol wok we onl yangpela man na meri i save mekim long wanwan kantri," Praim Minista i tok.

Het bilong Komonwelt nesens em Kwin bilong inglan, na em i het bilong kantri Papua Niugini tu olsem na PNG i amamas long stap olsem wanpela strongpela memba bilong Komonwelt.

As tingting bilong dispela konpres, "Yangpela manmeri i stap long namel bilong Sastenebel Dvelopmen" em i rait toktok stret bilong dispela yangpela kantri Papua Niugini bikos em i wok long gro yet na mi bilip em i bikpela samtting tu long ol narapela yangpela Komonwelt nesens na ol olpela nesens tu," Mista O'Neill i tok.

Mista O'Neill i tok moa olsem hap namba bilong pipel long Papua Niugini pipel nau i gat krismas bilong ol 20 yia na aninit olsem na gavman bilong PNG i laik kamapim moa

sans long ol dispela yangpela lain i ken painim gutpela sindaun na painim ples insait long sosaiti long wanem kain we ol i ken helpim kamap bilong nesens. Mista O'Neill i tok moa long ol bikpela plen bilong gavman long nogat skul fi i mas kamap moa olsem olgeta pikinini i mas go long skul long yia 2014 na pinisim sekenderi mak.

Dispela rot em i longpela tru bikos mipela bai mas kamapim moa tisa, moa skul olsem na mipela apim baset bilong edukesen i go antap 50 pesen moa i winim baset bilong yia i go pinis. Long trenim ol tisa mipela bai kirapim planti haus bilong slip na klasrum.

Nau mipela gat bikpela asua long kamapim ol rot bilong olgeta pikinini husat i pinisim dispela nambawan step bilong sku, long ol i mas gat gutpela wok long mekim insait long nesens na long komyuniti bilong ol, taim ol i pinis.

"Dispela i no min olsem olgeta pikinini i pinisim yunivesiti o gred 12, bai wok long sampela opis, o wankain long ol lain i lusim skul bipo long gred 12.

Tasol mi bilip olsem mipela ken promisim ol sampela gutpela samtting sapos ol i wanbel long wok long graun bilong ol yet, em gavman i ken helpim ol long kamap nambawan long wanem wok ol bai mekim.

"Olsem na mipela mas kirapim ol agrikalsa prosek bilong mipela, na i no bilong salim i go ovasis tasol long givim kaikai long wol, nogat, em bilong helpim ol

long kamap strongpela lain bilong lukautim ol yet wantaim wok long graun bilong ol yet taim ol i lusim skul. Agrikalsa skul na wok em i holim ki bilong ol yangpela Papua Niugini manmeri kisim gutpela laip bihain," Mista O'Neill i tok.

Narapela samtting gavman bilong mi laik kamapim em long helpim ol yangpela long wokim liklik bisnis. Nau gavman bilong mi i kamapim pinis 12 poin plen long helpim ol pipel bilong mipela yet, moa long ol yangpela long kirapim ol liklik bisnis bilong ol yet. Gavman i putim bikpela mani liklik long helpim ol liklik bisnis sekta i gro hariap.

"Sapos mipela i mekim dispela gut, em bai stori bilong nogat wok, bai pinis long kantri," Mista O'Neill i tok.

Minista bilong Yut, Meri, na Sios, Mis Loujaya Toni em i go pas long dispela bikpela miting olsem na long openim seremoni em i bin givim bikpela tok welkam long ol lain minista bilong ol 55 Komonwelt nesens na ol lain bilong ol na wankain welkam tu i bin kam long Gavana bilong NCD, Powes Parkop.

Openim seremoni i bin stat wantaim wanpela femili foto, na bihain sampela yangpela manmeri i soim olgeta fleg bilong ol provins bilong Papua Niugini taim ol i kolim nem bilong ol provins na tu taim ol i kolim nem bilong ol memba kantri sampela i karim ol fleg bilong ol i kam long fran. Sampela gutpela danis i bin kam long ol UPNG At sumatin, na ol arapela yangpela lain long siti na Gaire ples.

Miting bilong ol Komonwelt Yut Minista bai pinis long Fraide 19 Epril, 2013.

3 lucky winners will win

A PAID RETURN TRIP TO WATCH A-LEAGUE ALL STARS v MANCHESTER UNITED IN SYDNEY

PRIZE INCLUDE

- 1 Game Pass
- A return ticket
- Accommodation for 2 nights &
- Travel Allowance

HOW TO WIN

- Simply spend K200 or more at any Telikom shop, write your name and address at the back of the receipt, drop it at any Telikom shop and enter the draw to win.

Hurry Now!

The more you spend the more chances you have of winning a trip of a lifetime.

PROMOTION STARTS 2/02/2013 & ENDS 31/05/2013

TELIKOM PNG
Always there!

24/7 Customer Care: Call 345 6789 or www.telikompng.com.pg

Wantaim God, mi inap mekim olgeta samting - Mis Baeau

Frieda Kana i raitim

SAMPELA wantok na tambu save kolim nem blong em, **Wavu Simi o Wavu**, na ol pikinini na bubu bilong save kolim em Mam Baeso.

Wavu emi minim olsem meri man bilong em dai o wido meri, tasol nem bilong dispela meri em Baeau Gou, em i las pikinini bilong Maeva Gou bilong Barakau ples long Sentral Provins na Ruth Girigi Kabua bilong ples Kirakira, long Nesenal Keptial Distrik.

Nau dispela meri i stap long liklik ples Gavera long rot i go olsem long Taurama Ami Bareks.

Baeau i maritim Simi Taunao bilong Hanuabada, tasol dispela man em i dai pinis long yia 2000, em klostu 13-pela krismas nau.

Taim em i dai, em i no lusim wanpela mani o kago wantaim meri na pikinini bilong em. Baeau i lukim em gat bikpela wok nau long lukautim 5 pela pikinini, nambawan bilong ol em i gat 17 krismas na las pikinini em 6 pela krismas tasol.

Insait long Mosbi we laip em i stap long strong bilong wok mani o wok bisnis, laip bilong wanpela meri i nogat man wantaim planti pikinini olsem dispela meri em i olsem yu askim wanpela meri long surukim traipela tipa trak em yet.

Ol ples lain bilong Motu-Koitabu na ol setelmen lain long Mosbi Siti i save olsem laip long siti em i hat tru sapos yu nogat wok na we bilong kamapim bikpela mani.

Baeau em bin 32 krismas tasol taim man bilong em i dai, nau em i gat 45 krismas na em i gat 2-pela bubu.



Misis Baeau Gou...

Ol arapela meri lain bilong em, i hariap maritim gen bikos ol i painim hat long lukautim planti pikinini bilong ol tasol em i no wari long dispela. Em trastim God na stap wantaim 5-pela pikinini bilong em long haus bilong em yet.

Taim man bilong em i stap laip, em i save wok kontrak long NCD na ol gat mani na ol famili i stap gut na nogat wari olsem na Baeau i no tingting long painim wok. Man bilong em i nap long lukautim ol famili. Dispela meri em i wanpela meri bilong amamas na kaikai buai, pilai kas moni long nait na san wantaim bikos man bilong em i save lukautim em gut na em i no save sot.

Tasol taim man i dai, na lusim em wantaim pikinini, meri ya em sutim graun stret.

Ol famili bilong em i hat long helpim em bikos em i las pikinini na ol brata susa bilong em i gat ol pikinini na bubu bilong ol yet long lukautim tu na antap long dispela, lain bilong man i tokim Baeau long maritim gen na bai nupela man i lukautim em na ol pikinini bilong em.

Dispela tok em brukim lewa bilong em bikos i bin tripela de tasol bihain long ol i planim

man na em i kisim dispela kain tok long ol tambu lain.

Tasol wanpela anti bilong em taim em i harim dispela tok, em i tokim Baeau, "Yu no ken maritim. Yu stap na soim ol tambu lain bilong yu olsem yu i nap long lukautim ol pikinini bilong yu," olsem na dispela toktok i givim em strong na em i no maritim na lukautim ol pikinini bilong e mi nap nau em i kamap 45 krismas.

13-pela yia long stap singel mama tasol em i no go raun-raun na painim mani long ol man.

Maski ol kainkain man i kam na askim long maritim em. Em i tingim ol pikinini bilong em olsem sapos em bai maritim em wanpela man, nogut dispela man bai no mekim gut long ol pikinini bilong em. O nogut em yet ba i lusim ol pikinini.

Olsem na em i no slek long painim we bilong lukautim ol famili bai stap.

Na yu askim, em kisim mani we na lukautim ol pikinini bilong em?

Em i salim buai, simuk na loli na wanwan taim sampela pren na famili i givim sampela mani.

Wanpela wok em Baeau i save mekim em long helpim sampela maritim i gat hevi long famili na taim maritim bilong ol i kamap gut sampela i tingim em na i kam givim sampela liklik mani o kaikai.

Tasol sampela taim nogat kaikai tru em ol pikinini i save painim ol wail yam na kumu nabaut long bus na ol i save kaikai na stap.

Man bilong Baeau i no

wokim bikpela haus na lusim em i go dai.

Nogat, em i lusim em wantaim wanpela liklik haus tasol we em na 5-pela pikinini, 4-pela boi na wanpela gel i slip long em. Insait long dispela haus em i save lukautim planti moa pikinini.

Meri ya i gat bikpela pasin bilong laikim narapela insait long lewa na bel bilong. Maski nogat kaikai na mani, Baeau i no save tok nogat long wanpela pikinini husat i save kam wantaim ol pikinini bilong em yet long painim ples bilong slip na gutpela laikim bilong famili. Em i save sapotim ol long go skul tu.

Em i redi oltaim long lukautim ol arapela pikinini husat i gat hevi long famili. i gat planti pikinini man na meri nau i stap gut long ol skul na wok we dispela meri i bin kisim na lukautim wantaim ol pikinini bilong em yet.

Mi stap na lukim ol man meri, sampela ol famili bilong man bilong em na sampela famili bilong em yet, tasol sampela em ol arapela Papua Niugini tasol, ol i painim hevi i save kam painim em na em i no save rausim ol.

Em i save holim ol na helpim ol long beten na gutpela tingting na bihain ol i save amamas na i go. S ampela taim ol i tingim em na kam lukim em tasol planti taim nogat. Bikpela samting em dispela meri i no save wari long wanpela samting. Em i gat hat bilong lusim rong. Ol famili bilong em i no givim mani na karim hevi bilong em tasol em i go het yet long helpim ol taim ol i stap long hevi.

Neks Wik, Laip bilong Baeau na pikinini i senis taim tupela man i kam insait...



Yut, Meri na Famili

Pastor Barbara Lunge

Pasin bikhet bilong ol yut bilong tude

PLANTI tingting nogut bilong ol yut na yangpela bilong tude i mekim yumi pret na tu i givim nem nogut i kam long sosaiti na komyuniti bilong yumi.

Sampela pasin olsem ol penim kainkain rait nabaut long ol nupela banis, stil long ol stoa na beng, na bagarapim ol meri na planti moa.

Mama na papa em ol lida bilong wanwan famili na komyuniti na ol i mas kirap nau na helpim ol yut na ol yangpela lida long kamap gutpela lain i nap long mekim wok insait long komyuniti.

Long dispela mun, insait long Mosbi Siti, Nesenal Kapitel Distrik Komisen i wokim wanpela gutpela wok bilong bungim na skulim ol yut husat i lusim skul pinis tasol nogat wok na i stap nating long komyuniti.

Krismas bilong ol i stat long 25 i go long 30. Dispela em i wanpela plen bilong Nesenal Gavman na NCD. Bihain long 5-pela mun em 300 yut long Pot Mosbi bai kisim trening bilong tred na bisnis na taim ol i pinis bihain long 5-pela mun, program bai painim wok bilong ol wantaim ol kampani insait long siti.

Ating em i gutpela pasin stret bilong holim ol yut long stap aninit long loa na oda bilong komyuniti. i no gutpela long polis na ol lo man i mekim save nating long ol taim ol i mekim rong, nogat komyuniti na gavman i mas traim na helpim ol pastaim.

Buk Efesis sapta 6:1-9 i tok, "Yupela pikinini, yupela mas bihainim tok bilong papama bilong yupela. Yu mas aninit long papamama bilong yu na bihainim tok bilong ol, Dispela lo em i nambawan lo i gat promisi i stap wantaim. Sapos yu mekim olsem, orait olgeta wok samting yu mekim i ken kamap gutpela, na bai yu stap longpela taim long dispela graun."

"Yupela ol papa, yupela i no ken bagarapim tingting bilong ol pikinini bilong yupela na mekim ol i belhat long yupela. Nogat. Yupela i mas mekim gutpela pasin long ai bilong Bikpela, na stretim gut ol pikinini bilong yupela na skulim ol long tok bilong Bikpela.

"Yupela ol wokboi nating, yupela i mas aninit long ol bosman bilong yupela, na yupela i mas pret tru, nogut yupela i mekim pasin i no stret long ai bilong ol. Oltaim yupela i mas tingting strong long mekim gutpela wok tasol, long wankain pasin olsem yupela i save mekim long taim yupela i mekim wok bilong Kraiss.

Yupela i mas ting olsem yupela i stap wokboi nating bilong Kraiss yet, na bel bilong yupela i mas amamas long bihainim laik bilong God.

Olsem yupela i mas belgut na mekim wok. i no olsem yupela i mekim wok bilong man. Nogat. Yupela i mekim wok bilong Bikpela yet.

Tingim, sapos wanpela man i mekim gutpela wok, orait Bikpela bai i givim gutpela pe long em, maskim dispela man em i wokboi nating o em i stap fri.

Na yupela ol bosman, yupela tu i mas mekim gutpela pasin long ol wokboi nating bilong yupela. Yupela i mas lusim pasin bilong pretim ol. Bikpela i stap long heven, em i Bikpela bilong yupela na biln gol tu, na em i save skelim pasin bilong olgeta manmeri long wankain pasin tasol. Ating dispela ol tok bilong Bikpela i kamap tru insait long Mosbi Siti na yumi ken tenkyu long Bikpela long gutpela wok bilong PNG gavman na NCD gavana.

Sapos yu laik save moa; toktok wantaim wokmeri bilong Bikpela, Barbara Lunge, Rivers of Grace Intenesenal Ministri. P.O. Box 3063. Boroko. NCD. Papua New Guinea. B Mob 767331426 OR 71075829 DG.

Ain meri bilong Briten i strongpela meri bilong komon wol kantri

AIN MERI bilong Ingran, Barones Margaret Thatcher em foma Prais Minista long 1979 inap long 1990 i dai pinis.

Dispela strongpela meri i bin namba wan meri long kamap praim minista bilong Ingran long 11-pela yia i bin kisim bikpela luksave long wol long gutpela wok em bin mekim taim em i holim dispela bikpela wok.

Misis Thatcher i gat 87 krismas taim em i dai long las wik Tunde Epril 9 bihain long em i bin kisim "stroke" o sik long lewa.

Planti lida long wol na PNG i bin autim tok sori bilong ol long lusim bikpela lida meri olsem.

Prais minista Peter O'Neill i tok wol bai tingim Misis



AIN MERI: Margaret Thatcher em pastaim Prais Minista bilong Ingran i dai. **Poto: AAP**

Thatcher olsem wanpela strongpela lida bilong 20

senseri na wanpela paia na strongpela meri rol modol long

pablik laip na olsem namba wan meri praim minista bilong Briten o Ingran.

"Ledi Thatcher i bin pawaful o strongpela lida long Komonwel na long intaneseen level na bai yumi tingim em long gutpela lidasip na promotim fridom long Isten Yurop.

"PNG i gat gutpela wok poroman wantaim Ingran na dispela taim Misis Thatcher i bin stap olsem Prais Minista bilong Ingran.

"Long makim ol pipel bilong PNG, mi salim tok sori i go long famili bilong Misis Thatcher long dai bilong em," Mista O'Neill i tok.

Ingran i bin holim funere sevis bilong em aste long London we planti pipel na ol wol lida i bin kamap long em.

Ol greduet kisim salens long gavana



HATWOK KARIM KAIKAI: Claire Luakenu (namba wan long rait) I sanap wantaim ol poroman bilong em long UPNG greduesen las wik Fraide.

Veronica Hatutasi i raitim

SALENS i go aut long ol nupela greduet bilong Yunivesiti bilong PNG (UPNG) long go aut long wol na kamapim senis , i no long ol yet, tasol long kantri tu.

Gavana bilong Nesenel Kapitel Distrik, Powes Parkop i wokim dispela salens long namba 58 UPNG

greduesen i bin ka map long Yunivesiti Dril Hal long las wik Fraide we 1,177 yangpela manmeri i bin kisim ol Mastas, diploma na digri bilong ol bihain ol i pinisim 4-pela na 5-pela yia skul bilong ol.

Bikpela toktok we Mista Parkop i bin mekim long ol sumatin em long kamapim wok na tu, go aut na wok long ol ruel eria.

“Bai yupela kisim tes long 4-pela na 4-pela yia skul yupela i bin wokim long en.

“Painim wok bai wanpela salens.

“Noken painim wok long taun o long ol eben eria, tasol kamapim ol wok long ol ruel eria.

“Maket long painim wok i no bikpela long

taun, skelim wantaim mak bilong ol sumatin i kamaut long ol bikpela skul. Nau yumi gat 5-pela yunivesiti na moa sumatin nau i resis long ol wok.

“Noken gat dispela tingting olsem wantaim yunivesiti digri, bai

yu painim wok hariap, nogat.

“Rausim dispela tingting long painim wok long siti na helpim long kamapim wok na welt.

“Yusim save, komitmen na samting yupela i ken kamapim wok long en,” Mista Parkop i tok.

NCD Eben Yut Emploimen Program statim skul

Frieda Kana i raitim

STAT long Mande 8 Epril, 2013, Nesenel Kepital Distrik i statim Besik Laip Skil trening bilong ol yangpela man na meri husat i no bin skul o wok i nap long 5 pela yia long kainkain seksen bilong siti. Dispela trening em I kam aninit long NCD Eben Yut Emploimen Program we I karamapim olgeta hap long siti.

Wanpela trena long sait bilong Pot Mosbi Saut Ilekoret long Taurama Rot, Alex Sefala, i

tok ol i kisim pinis 37 sumatin bilong Taurama rot , na ol i statim dispela skul long Mande 8 Epril. Dispela trening em I kamap insait long haus lotu bilong Agape Intedimninesen Ministri long Gavera setelmen, i long rot i go long Taurama stat long Mande.

Sampela wik i go pinis, woklain bilong NCD Eben Yut Emploimen program i bin go raun long siti na kisim nem bilong ol yut na bihain ol i sekim ol na makim 40 bilong ol bai ol i go insait long dispela

program. Nambawan step em bai ol i kisim skul besik laip skil na ol bai kisim wanpela tes. Sapos ol i winim tes bai ol i go het long kisim wanpela Industriyel trening gen i nap long wanpela mun. Long tes ol trena bai luksave long save bilong yut olsem ol bai kisim bisnis trening o industriyel trening. Bihain long wanpela mun trening, program bai putim ol insait long kainkain bisnis kampani long Mosbi Siti i nap long 5 pela mun.

Planti sumatin redi long go malolo

PLANTI sumatin long ol skul insait long kantri i stap nau long namba wan tem skul malolo bilong ol.

Long Madang provins i lukim ol gavman skul i lukim ol sumatin i stap holide, tasol wanpela bikpela sekonderi skul bilong Katolik misin, Malala Sekenderi tasol i gat arapela program bilong en, na ol sumatin i stap long klas.

Edukesen Dairekta long Madang, Moses Sariki i tok ol sumatin husat nau i stap long holide i mas stap malolo gut na redim ol yet long seken term. Wanem samting ol i no mekim gut long fes tem em ol i mas stretim ol yet gut na go bek na mekim gut long



seken term. Piksa ya i soim ol Gret 8 sumatin bilong Gawar Praimer skul long Raikos distrik i redi long go malaolo long fes tem skul malolo. Gawar em wanpela bikpela skul long Raikos na skul i gat naispela ol pemenen bilding, tasol

hevi bilong rot tasol em i mekim skul i save kisim ol saplai bilong em long moto bot i kam long Madang. Ol tisa tu i save yusim moto bot long go kam long Madang taun.

Poto na stori: James Kila

PNG SASTENABOL DEVELOPMEN PROGRAM

Westen Provins

Nesenel Skolasip Program (WPNSP)

OL NON-SKUL LIVA

Yu pinisim skul na tingting long skruim skul bilong yu i go moa yet long digri, tesari o vokesenal trening?

Westen Provins Nesenel Skolasip Program bilong PNG Sastenabol Developmen Program Limitet nau i wok long kisim ol aplikesen bilong ol lain non-skul liva kendidet long sponsaim bilong digri, tesari na vokesenal kos long ol PNG institusen. WPNSP em i wanpela biknem program we i save makim sampela ol namba wan manmeri. Em is tap bilong strongim pasin bilong surukim skul bilong ol pipel bilong Westen Provins na bilong sapotim skul bilong kisim save we i ken strongim ol savemanmeri bilong givim bek ol longpela taim developmen samting Westen Provins i nidim.

Mi ken stadi long we?

- Yu ken aplai long stadi long wanem ol PNG Yunivesiti o PNG Teknikal Vokesenal Koles.

Mi ken skul long wanem kos?

- Yu ken aplai long enikain kos long setifiket o diploma long wanpela Teknikal Vokesenal Koles; wanpela andagraduet kos, o Mastas Kos long Yunivesiti.

Moa luksave bai go long skul we i bihainim ol developmen nid bilong Westen Provins.

Ol Gaitlain bilong Luksave

Long winim luksave bilong kisim Nesenel Skolasip, ol apliken i mas:

- Pinisim skul insait long Westen Provins
- Gat wanpela papa o mama bilong Westen Provins

Ol Apliken i mas soim tu:

Bilong Teknikal Vokesenal Stadi

- Bikpela laik long wanpela skil o tred

Bilong Andagraduet Stadi:

- Pinisim Gred 12, setifiket o wanpela diploma

Bilong Mastas / PhD Stadi:

- Olgeta Tesari kwolifikesen.

Ol Aplikesen Fom i stap long websait bilong PNGSDP – www.pngsdp.com o stap bilong kisim long ol dispela ples long Westen Provins:

- PNGSDP Opis TABUBIL	- Western Power - BALIMO
- PNGSDP Opis KIUNGA	- PNG Maikro Fainens - OBO
- PNG Maikro Fainens - DARU	
- Western Power - AWABA	

OLGETA APLIKESAN I MAS KAM PASTAIM LONG 31/05/2013

LONG SAVE MOA, TOKTOK WANTAIM GRM INTERNATIONAL LONG
angela.vol@grminternational.com

Melpa Lutheran Sios i kamap long NGL



Goldie street

DISPELA em i wanpela gutpela nem. Ating planti i no save dispela strit i stap long wanem hap? Sapos yu draiv i go long Hanuabada, bai yu abrusim dispela strit. I nogat wanpela sain pos i stap.

Tasol taim yu kamap klostu long haus lotu bilong Katolik Sios, yu tanim rait i go insait long Goldie Strit.

Em i ples bilong ol wait man bipo. Nau i nogat wanpela waitman i stap long dispela strit.

Igat sampela lain i stap long rental haus, flet, na sampela lain i muv i go tasol na kamapim ples olsem wanpela ples bilong "ples" stret.

Ol i nogat haus toilet. Ol i tromwe pipia/pekpek bilong ol long wanem hap ol i laik na mekim ples i deti na smel.

Bipo long kempen bilong Nesenel ileksen las yia, wok departmen bilong NCD i bin salim wanpela kontrakta long stretim dispela rot.

Ol i digim na rausim olgeta olpela aspal na larim i stap inap long tripela mun, bihain ol i kam bek na stretim gen.

Long dispela taim, ol manmeri i stap long dispela strit i kisim bikpela hevi tru wantaim das bilong graun. Planti kar i go i kam na kamapim bikpela das stret.

Dispela kontrakta i bin wokim wok, tasol inap tude, rot i no kamap gutpela yet. Bikpela ren i kamap na karim olgeta gravel na wesan i go daun long solwara bilong Hanuabada gen.

Rot i kamap olsem wanpela nupela dreines o ples bilong wara i ron.

Long wankain taim manmeri i stap long dispela ples i kaikai das olgeta taim kar i go i kam. Long dispela wei planti bai kisim sik bikos long das. Kontrakta i no wari long dispela hevi, ol i kisim mani na pinisim, na wok i no pinis.

Planti taim yumi harim, "Mipela i bringim sevis i go long pipel". Sapos wokim/stretim rot na i no pinisim wok tasol mani i pinis, em i no bringim sevis, tasol "em i bringim hevi" i go long pipel. Hevi i stap pinis long manmeri, nau ol i kam putim hevi gen antap long ol.

Mi bilip olsem i no manmeri i stap long Goldie strit tasol i bungim dispela hevi. Planti hap insait long Port Moresby siti, rot i bagarap na ol i stretim tasol i no pinisim wok, ol i pinisim mani tasol.

Olsem na mi amamas long wok o sevis ol i givim, tasol mi no amamas long wei ol i givim sevis.

Bikos ol i mekim yumi amamas, tasol dispela amamas i no pulap. Samting i kamap olsem, bikos i gat asua i stap long kontrakta o i stap long manmeri i providaim o givim sevis.

I nogat gutpela plen o i nogat gutpela baset long wokim rot. Nogat gutpela kontrol.

Ol i statim dispela kain wok bipo long kempen na ileksen. Taim ileksen i pinis, wok i stop tasol wok i no pinis yet.

Ol i no bringim sevis long pipel tasol kamapim hevi o bringim hevi long pipel long das na dispela das bai givim sik long manmeri i stap nabaut long dispela hap.

Mi bilip olsem man i go pas long mekim dispela wok, i gat gutpela save stret.

Tasol em i sot long save bilong menesmen.

I nogat stretpela plen na nogat gutpela baset.

Jisas i tok; "Sapos yu wokim wanpela samting, sindaun gut na tingting gut. Nogut yu putim faundesen tasol na lusim, manmeri bai tok bilas long yu". Planti taim i kamap long kantri bilong yumi.

Planti manmeri i tok bilas long dispela kain wok, tasol i luk olsem yumi kamapim dispela olsem "wanpela kalsa bilong yumi nau".

Ol i lukim olsem em i wanpela gutpela samting. Tasol dispela wei ol i promotim korapsen insait long kantri na sosaiti bilong yumi.

Husat bai yumi sutim tok long en? Kontrakta? Wokman? NCD? Mema bilong Palamen?

HET Bisop bilong Melpa Lutheran Sios (MLC), Rev Bisop Sanangke Dole i kam

Long Kimbe, West New Britain long painim ol lus sipsip i raun long kainkain wok insait long kantri.

Em tingting long painim ol memba bilong MLC ol

I raun insait long Kantri long painim mani na gutpela sindaun.

Em i bin kamap long Kimbe long mun Janueri 2013.

Nogat manmeri i save long kamap bilong em long Kimbe.

Em i kam isi tasol na sindaun wantaim wanpela famili memba bilong em we i wok binis na sindaun long Kimbe.

Long nambawan Sande, em i lukim ol lain bilong em i nogat lotu.

Em i tingting long bungim ol lain i stap insait long dispela haus long lotu, olsem na nambawan Sande em i bungim ol long lotu.

Dispela stori i go aut long ol liklik lain MLC i stap long Kimbe i harim na long nambatu Sande, ol i kam bung long haus bilong dispela famili long lotu.

Em i lukim namba bilong ol memba i stap long Kimbe na bel bilong em i bruk na em i tingting long wokim wanpela haus bilong ol liklik lain i ken bung na lotu.

Olsem na insait long 4-pela week bilong mun Janueri na Febrieri em i sindaun long Kimbe, em i no westim taim nating.

Em i toktok wantaim ol famili memba long givim wanpela liklik spes insait long banis bilong ol long wokim haus lotu.

Ol famili i bin wanbel na givim em graun na insait long hamas de em i stap long Kimbe, em kamap kapenta long wokim liklik haus lotu sel, na long Sande em i kamap pasto na Bisop long pulpiti long serim tok bilong God.

Em i pinisim olgeta wok bilong wokim haus lotu sel na long February 24th Sande, em makim dispela deit long opim dispela haus lotus sel.

Long taim bilong dedikesen



Haus lotu sel em ples bilong Lotu.

bilong haus lotu sel, planti lain liklik i kamap long opening.

Ol memba bilong MLC, Evangelikel Lutheran na Gutnius Lutheran Sios i bin bung wantaim. Long dispela de Bishop Sanangke i bin autim tok bilong God, na opim haus lotu sel na tokim ol memba olsem, "Yupela i kam hia long wok binis long painim gutpela sindaun, tasol olgeta gutpela sindaun, amamas, bung wantaim na wanbel i save kam God.

"Olsem na yupela i kam hia long wanem kain wok yupela i no ken lusim God bilong yupela.

"Dispela haus em haus bilong lotu na prea yumi wokim, yupela i kam bung long hia, bung wantaim arapela insait long pasin bilong wanbel, sori na istap insait long pasin bilong laikim arapela bai God i blesim laip bilong yupela na yupela bai pulap long blessing bilong God, "Bisop Sanange i tok.

Em i tok moa, "God istap long olgeta hap, pasin bilong lotu tu istap long olgeta hap, wanem hap yupela bung, larim God i givim stia long laip bilong yupela."

Dispela em i bikpela wok Het bilong wanpela lotu i mekim.

Em i kam lukim nid na sot bilong ol manmeri, sanapim haus lotu, na bihain em igo bek na salim wanpela pasto bilong

MLC i kam lukautim sios long Kimbe nau.

Dispela em bikpela stori i go daun long histori bilong Melpa Lutheran Sios.

MLC em i no wanpela bikpela lotu i gat bikpela namba olsem arapela tupela bikpela lotu Lutheran Sios insait long PNG.

MLC em i stat insait long Westen Hailans Provins wantaim liklik namba bilong populesen.

MLC i bin bruk long Lutheran Sios -Hagen District aninit long hevi bilong lidasip tasol na dispela hevi i go hukim ELC-PNG na ol bruk lusim ELC-PNG na kamapim sios bilong ol yet wantaim Het Bisop bilong ol.

MLC i bin wanbel na makim Reveren Sanangke Dole i kamap nambawan het bisop bilong MLC.

Dispela sios i groa liklik long WHP na wok isi i go aut bungim ol memba bilong em long ol arapela provins.

Em i bungim ol memba long Nesenel Kapitel District (NCD) na long Morobe Provins.

Nau sios i kam kurugutim Niugini Ailans rijen.

Dispela stori long NGL inarapela liklik long wanem Het Bisop Reveren Sanangke i kam kirapim sios long hia.

Dispela em piksa na salens long bisop bilong tupela ara-

pela Lutheran Sios insait long kantri.

Sios em bilong ol manmeri, na manmeri em ol sios, olsem na ol bisop i noken wet long manmeri i kam long ol. Bihainim tok piksa bilong Jisas long go daun na painim wanpela sipsip i lus.

Wanem samting Bisop bilong MLC i mekim em bihainim stret tok piksa bilong Jisas

Melpa Lutheran Sios (MLC) nau em sista bilong tupela Lutheran Sios insait long PNG em long Evangelikel Lutheran Sios bilong PNG na Gutnuis Lutheran Church of Papua New GuineSios bilong PNG. MLC i bruk wantaim ELC-PNG i no long tok bilong God, doktrin bilong sios o long ol skul tok, nogat.

MLC i bin bruk long tok pait bilong lidasip. Olgeta bilip na wok bilong lotu em i wankain long olgeta lotu Lutheran Sios i stap insait long PNG.

MLC het opis i stap long wanwan opis bilong ol pasto na ol lida, na senta ples bilong ol long holim miting na sios de em ol i save holim long wanpela ples ol i kolim KONT KONA ausait long Maun Hagen siti.

Dispela nem KONT KONA long tok ples Hagen (Melpa) i min olsem nupela eria o ples.

Nupela mausman bilong Pop long PNG

ASBISOP Michael W. Banach em i nupela Apostolik Nunsio long PNG, opis bilong Apostolik Nunsio long Pot Mosbi, PNG i tokaut long nius ya long dispela wik.

Olsem Nunsio, Asbisop Michael bai makim opis bilong hetman bilong Katolik Sios, Pop Francis na Vatiken insait long dispela kantri.

Opisel tokaut long dispela

nius long Vatiken i bin kamap long Tunde nait, 10 kilok nait.

Asbisop Michael i wok long 14-pela krismas long Vatiken Diplometik Kops, stat yet long yia 1994.

Em i save beis long Vienna na makim Vatiken na stap olsem mausman long hap long planti ol intanesenel oge-naisesen na ol Yunaitet Nensens Ogenaisesen i gat ol

opis bilong ol long Vienna, Austria.

Mama i bin karim Asbisop Michael long Worchester, Masasusets long Yunaitet Stets Amerika long Novemba 19, 1962 na olsem, em i gat 52 krismas.

Em bin kamap pater long Julai 1988 long Daiosis bilong Worchester na wok long wanpela peris long hap pastaim

em i go long skul long Gregorien Yunivesiti long Rom long 1992 na skul long Kenon Loa we em bin kisim doktoret digri bilong em long 1994. Bihainim long dispela, em bin joinim Vatiken Diplometik Sevis na wok long Bolivia, Nigeria, Sentrel Yurop long Vatiken Sekreteri bilong Stet, Polan, Slovsakia, Han geri, Romani na Bulgaria.

Luksave long marit namel long Katolik na Lutheran

BAI gat luksave long marit namel long ol Katolik na Evangelikel Lutheran Sios memba long PNG sapos ol sios lida i stretim olgeta samting na sainim wanpela tok orait.

Dispela nius i kamap long bung bilong ol Katolik bisop bilong PNG na Solomon Ailan husat i bung nau long Aleksishafen long Madang long dispela taim.

Stat yet long yia 2000, ol toktok i wok long go het namel long ol lida bilong Katolik na ELC-PNG na tu, Angliken Sios long ol sampela bikpela samting i karamapim bilip na ol sakramen namel long ol.

Katolik Sios i kamapim Katolik Ekumenikel na Intarilijes Komisin we long planti yia nau i wok wantaim na toktok wantaim Angliken Sios, na wantaim Lutheran Sios long 2000.

Long nau, i gat luksave namel long Katolik na Angliken Sios long Baptismo na Marit, bihain long tupela sios i sainim pinis ol Memorandum bilong Agriken (MOA).

Long 2003, tripela sios (Katoli, Angliken na ELC-PNG) i bin sainim MOA long Sakramen bilong Baptismo, we luksave i stap olsem sapos wanpela man i kisim dispela sakramen long Lutheran Sios

na i laik go long Katolik, em bai no inap kisim gen dispela sakramen long Katolik. Na wankain long narapela sapos Katolik man i laik go long Angliken o Lutheran.

Ol Katolik Bisop long bung we ol i stap nau long em i wanbel pinis, na long nek yia, 2014, ol bai sanim agrimen wantaim ELC-PNG long luksave long marit namel long Katolik na Lutheran Sios.



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)



KLIARIM ROT: Ol pablik sefti opisal i kliarim ples bihain long ol bom i pairap klostu long pinis lain bilong namba 117 Boston Maraton resis long Boston, Massachusetts long Mande dispela wik.

PNG PM O'Neill i tok-tok long plen bilong gavman

PAPUA Niugini Praim Minista Peter O'Neill i kirapim pinis wanpela bikpela tingting na laik bilong apim laip na sindaun bilong ol pipel lusim mak we PNG i stap daunbilo tru long ol hap bilong Esia na Pasifik, na mekim i stap namel long ol dispela kantri.

Maski PNG i wok long kisim bikpela mani long ol wok maining, ges, agrikalsa, fiseris na ol narapela samting, ol i no save yusim ol dispela mani long ol skul, helt, na tukamapim wok bilong ol pipel.

Wanpela long ol dispela plen i karamapim wok bilong daunim korapsen long olgeta han bilong gavman.

PNG kalsa i stopim ol yangpela meri long kamap lida

OL yangpela meri long Papua Niugini i gat bikpela laik long kamap lida long ol grup na komyuniti bilong ol.

Dispela toktok i bin kam long Dokta Lalen Simeon, Dairekta bilong Risets na Postgraduet Stadis long Pasifik Adventis Yunivesiti long PNG, na wanwok bilong en, Unia Api.

Tupela i bin autim dispela toktok bilong

tupela long namba tri PNG lidasip simposium, em Deakin Yunivesiti i bin hostim long Geelong long Australia long stat bilong dispela mun.

Stori bilong ol i bin bihainim wanpela wok painimaut em ol i bin mekim long Goroka long Isten Hailans, Nu Ailan, na Hanuabada long Sentral provins.

Dokta Lalen Simeon i tok ol meri i lukim ol yangpela meri husati gat kain asivmen o wokmak bilong ol, oa wok bilong sios, komyuniti, oa long spots olsem lida.

Tasol long pablik spiking, em samting ol i lukim olsem ol i no strong long en, sapos ol i kisim trening long en, bai halivim ol gut long kamap lida.

Solomon Airlines bos i askim strong papagraun

OL papagraun klostu long ol ples balus long Solomon Ailans i mas wok hat bilong stretim ol wari wantaim gavman pastaim long ol i pasim ol epot o ples balus.

Gus Kraus, Jeneral Menesa bilong Operesens na Komesal bilong Solomon Airlines, i mekim dispela askim bihain long ol pipel bilong Temotu provins i bin pasim epot long Fraide long wik i go pinis.

Temotu provins em i stap longwe long biktaun Honiara, na em i nidim tru ol balus long sevisim ol pipel long provins.

Ol balus i bin statim gen ol ron bilong ol i

go long Lata bihain long ol papagraun i bin rausim banis na ol samting em ol i bin putim long ples balus.

Tupela i dai, na planti kisim bagarap long pairap long Boston

TUPELA pipel i dai pinis, na samting olsem 100 pipel i kisim bagarap bihain long tupela pairap i bin kamap na kisim pinis lain bilong resis.

Boston Maraton TV piksa i soim strit i pulap long pipia nabaut na blut bilong pipel wantaim ol paramedic i wok long karim pipel i bagarap, long ol stretsa o bet-laplap.

Ol i bin karim pipel i bagarap na blut i ron long bodi bilong ol long hap long ol stretsa na long ol wilsia. Boston Polis i bin tokaut stret long tupela pipel i dai pinis na 100 i kisim bagarap taim ol pairap i kamap long wankain taim.

Polis i tok tu olsem em i bin gat tupela narapela pairap i kamap long JFK Laibreri long siti. Polis i no save sapos ol dispela pairap em i kamap long wankain taim, tasol ol i lukim olsem olgeta i mas bihainim wanpela plen tasol.

Ol dispela pairap i bin kamap long maraton taim sampela tausen rana o pipel i pinisim ron bilong ol, na pipel i bung long lukim ol na singaut na paitim han long pinis lain.

Asosietet Pres i tok em i bin gat bikpela

pairap i bin kamap long eria em i stap pastaim tasol long bris, em i makim lain.

Narapela pairap i bin kamap bihainim, sampela seken bihain tasol long en.

Dipatmen bilong Foren Afes na Tred long Australia i tok em i no kisim ripot sapos sampela Australia pipel i kisim bagarap long dispela birua.

PNG meri gat rait long rit na rait

OL meri long ruel eria long Papua Niugini i gat rait long rit na rait long halivim sindaun long ples.

Dispela toktok i bin kam long Komyuniti Engesmen na Dvelopmen Opisa wantaim Nu Briten Pam Oil Limited, Daine Mandui Mirio.

Misis Mirio i bin mekim dispela toktok long namba tri PNG Lidasip simposium em ol i bin kamap long stat bilong dispela mun long Deakin Yunivesiti long Geelong long Viktoria stet bilong Australia.

Misis Mirio i tok taim i senis pinis long kantri na ol meri na mama long ol asples i mas save long dispela tupela bikpela samting long wanem sapos nogat, bai ol i wok long bungim ol hevi yet.

Goroka Dvelopmen Opisa, Donald Gumbisa, husat i wanpela leksera long Yunivesiti bilong Goroka, i tok bikpela samting em long ol pikini-ni i mas go skul long kisim save, na tru long kisim wok na mani tasol save em long ol pikini-ni i ken yusim tu long lukautim sindaun long ples.

Misis Mirio i bin wokbung wantaim Donald Gumbis, husat i wanpela leksera long Yunivesiti bilong Goroka long tokim dispela simposium long lidasip, wimen na literasi long Papua Niugini.

Tupela pipel moa i kisim H7N9 long sentral Saina

TUPELA moa pipel i kisim dispela H7N9 stren bilong evian influenza long Henan provins long Sentral Saina.

Gavman nius ejensi, Xinhua, i tok nupela namba long pipel i kisim dispela sik i go wantaim narapela foapela long Isten Zhejiang provins, na i bringim namba long pipel i kisim dispela sik long kantri i kamap long faivpela-ten-faiv o 55.

Wanpela-ten-wan i dai pinis long dispela sik.

Ol i kisim ripot long tripela pipel ken kisim ausait long ples we o i bin painim sik long en, pastaim long Isten Saina, wantaim wanpela long kapitel.

Wanpela long ol pipel i kisim sik long Henan, em wanpela man, krismas bilong em 34, na em i sik nogut tru long haus sik.

Long narapela i sik, em wanpela fama, krismas bilong em, 65, i stap orait.

Xinhua i tok 19-pela pipel husat i bin stap klostu wantaim tupela long Henan i no soim olsem ol i kisim dispela sik.

Ol gavman opisa i tok pipel i wok long kisim sik long holim kakaruk.

Wol Helt Ogenaisesen long nau em i nogat evidens long pipel i sik long ol narapela i givim ol.

Mausman bilong Wol Helt Ogenaisesen long Saina, Michael O'Leary, i tok ol i ting bai em i gat moa long ol pipel i kisim dispela sik.

Em i tok em i ting em i nogat we long ol i ken tok long piel bai kisim sik.

Pacific BEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



WANTOK
KOMENTRI

Pasin brata long Pasifik

SAPOS wansolwara kantri bilong yumi i painim wanpela gutpela poroman bilong strongim nem na wok bilong em insait long Pasifik Rijen, em i painim pinis long yumi PNG.

Dispela wik, wanpela bikpela delegesen bilong Fiji i kam sua long Pot Mosbi.

As bilong ol i raun i kam, aninit long lukaut bilong Praim Minista bilong Fiji yet, Voreqe Bainimarama, em bilong painim na sanapim ol wokbung agrimen long sait bilong bisnis na nesenel wok developmen.

Na ol i no kam long pilai pilai nabaut.

Long kirap bilong wik yet, mipela i sainim agrimen wantaim Fiji long larim bikpela mobail fon kampani i stap long hap, Vodafone Fiji, long kam na kamap seholda bilong Bemobail bilong yumi.

I luk olsem ol bisnis bilong Australia na Pasifik bai pait na resis wantaim ol lain Digicel.

Planti toktok i kamap pinis namel long ol savemanteri long kantri, long wanem ol gutpela bilong dispela nupela marit bilong ol mobail fon bisnis.

Long dispela sait, bai yumi stap na lukluk pastaim.

Long dispela wik tu, bikpela kibung i kamap long sait bilong ol Komonwelt Yut Minista.

Ol yut minista bilong moa long 66 kantri long wol i kam bung long wanpela sindaun bilong ol long Mosbi.

Dispela i givim luksave long strong bilong ol yut bilong yumi long Pasifik, na moa yet, long PNG.

Tude, dispela kain bung, i mas gat gutpela karim kaikai bilong en.

I no bilong kam sindaun na tromoi toktok nabaut tasol. Nogat.

Ol yut bilong yumi i gat save, na ol i gat strong na laik bilong mekim nem bilong ol. Yumi mas givim sans.

Na long narapela sait, namba tri bikpela kibung i kamap dispela wik, em bikpela bisnis kaunsel kibung namel long PNG na Australia.

Ol lain brata bilong yumi long daun saut, i wok long traime long strongim sindaun bilong ol moa yet, bai yumi noken lukluk long ol kain arapela ausait kantri long kisim halivim.

Olgeta dispela kibung nau i soim olsem PNG i wok long kamap ples klia long sait bilong wol, na tu, long bisnis. Yumi noken larim ol kain sans olsem i kamap na go lus nating. Sapos i gat gutpela yumi ken kisim long ol dispela kibung, yumi mas luksave, na holim strong.

Na noken tru givim nating gris na strong bilong kantri bilong yumi long ol ausait manmeri.

Olgeta kibung i kamap wantaim ol ausait man, i mas bihainim tingting bilong strongim ol asples manmeri bilong yumi yet.

Pipel mas sanap long tupela lek bilong ol

PASTAIM Praim Minista na Papa bilong kantri na nau Gavana bilong Is Sepik, Se Michael Somare, i bin edresim bung bilong ol Katolik Bisop bilong PNG na Solomon Ailan long dispela wik Mande long Aleksishafen, Madang.

Na em bin tingim bek rot we ol namba wan misinari i bin kam long ol ples olsem Aleksishafen, Kokopo na Yul Ailan wantaim nogat pait na nogat lain i wokim nabaut. Na ol dispela ples i bin kamap olsem spirituel na edukesenel senta we pipel i bin lainim ol narapela ovasis tokples olsem Geman, Frens na Spenis.

Taim we ol sios i kam pastaim long PNG em yumi mas raitim na kipim long en, Se Michael i tok, na i skruim tok olsem em bai givim mani long mekim dispela prokel.

Nupela wok bilong sios, long sait bilong developmen,



Gavana bilong Is Sepik, Se Michael Somare, i bin edresim bung bilong ol Katolik Bisop bilong PNG na Solomon Ailan.

Se Michael i tok, em long mekim pipel i luksave olsem em i taim nau long sanap long tupela lek bilong ol yet na yusim ol risos bilong dispela kantri yet long lukautim sios, bihain long longpela

taim sios i kisim helpim long ovasis na ol mama kantri.

Long distrik level, sios i ken givim yet stia na supavaisim long sait bilong invesmen long ol mani we sentrel gavman i givim.

I gat narapela kontribusen i no mani.

“Long ol skul, skulim ol sumatin long bihainim gutpela pasin. Mi bin kamap man long dispela rot.

“Dispela i no kamap moa long ol skul, ol haus sik na ol klinik, taim TV i kamapim planti pasin i no stret.

“Ol yangpela pipel i no kisim skul long bihainim gutpela pasin,” Se Michael i tok.

Long sait bilong graun bilong misin we sios i laik givim (graun) i go bek long pipel nau, Se Michael i tok i moa-beta long ol daiosis i trenferim i go long gavman na gavman i larim ol lain i stap pinis long en long lisim o rentim.

Tasol ol bisop i lukim olsem dispela em i ken kam ap olsem laspela samting ol i ken wokim taim em i hat long painim ol papagraun na planti lain i tok dispela em i graun bilong ol.

WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Websait: www.wantokniuspepa.com

Pe bilong wanpela via. 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

PM Bainimarama Iukluk Raun



**PNG
na Fiji
mekim
Bisnis**



yia strong

PNG SASTAINABEL DIVELOPMEN PROGEM LTD

ripot bilong

PNG Sastenebel

Diveelopmen Progrem Ltd (PNGSDP Ltd)

na Ok Tedi Main LTD

Planti mun nau i bin gat sampela bikpela toktok i kamap we i gutpela na ino gutpela tumas long wanem samting bai kamap long wok bilong Ok Tedi main na PNG Sastenebel Diveelopmen Progrem Ltd. PNG Sastenebel em i tras kampani bilong Ok Tedi Main na em i gat 63.4 pesen sea bilong Ok Tedi Main Limited long tras long nem bilong ol pipel bilong Westen Provins stret.

Pastaim mi harim ol dispela toktok, mi no bin bekim wanpela tok i nap nau bikos mi bilip olsem ol dispela kain hevi, em i gutpela moa long toktok long pes tu pes na skelim toktok wantaim olgeta lain husat i gat wari long dispela hevi.

Nau mi laik tokautim long ol tok tru bilong dispela progrem.



Mekere Morauta, KCMG
Chairman, PNG Sustainable Development Program Ltd; Chairman, Ok Tedi Mining Ltd

As bilong Toktok

Taim mi bin stap praim minista long yia 2001, BHP Billiton i tokim Papua Niugini Gavman olsem em i laik pasim Ok Tedi main. BHP Billiton i bilip olsem sapos main i go het yet bai em i bagarapim bus, wara na graun i winim hamas mani main bai kamapim.

Gavman bilong mi i glasim dispela tingting gut tru, na skelim gut ol hevi na bagarap long bus, wara na abus samting, na tu mipela i lukluk long wanem kain gutpela sindaun bilong ol pipel na mani ol inap long kisim.

Long dispela taim Ok Tedi main i bin wok long kamapim 30 pesen Gros Domestik Prodak, em olgeta mani i kamap insait long kantri, em i save kam long dispela main, bilong wanem Bogenvil main i bin pas pinis na Misima main tu i wok long pasim wok. Kutubu i bin abrusim pinis mak bilong kamapim bikpela wel long dispela taim. Mi tingim bek long 1980 yia taim Bogainvil main i bin pas kwiktai tasol, olgeta gavman sevis na ol man i save kam long kantri i bin go daun olgeta. Olsem na mi bin was gut stret long noken larim dispela kain bagarap bai kamap gen.

Long ol yia 1990 i go long 2000, kantri i bin painim bikpela hevi tru, klostu long Papua Niugini bai pundaun bikos long planti yia ol gavman i no bin lukautim na menesim gut mani bilong ol pipel na gavman. Prais takis bilong ol kaikai na ol samting long ol stoa i bin go antap 22 pesen long pinis bilong 1998, na long namel long 1999, prais takis i go antap moa, kisim mak bilong 28 pesen, na win mani we i save kamap taim yumi senisim mani bilong narapela kantri i kam long kina i go daun olgeta long 89 milien Amerika dola, em i daun moa na i no nap long karamapim kos bilong ol samting i kam insait long kantri, insait long wanpela mun.

Strong bilong gavman long saplaim ol sevis na olgeta samting pipel i nidim i bin stop olgeta, na moa yet long ol long-we ples o bus ples kain olsem Westen Provins. Olsem na

long dispela taim, Ok Tedi main i bin sanap olsem wanpela bikpela kampani we i wok long kamapim mani bilong gavman. Long yia 2001 em i kamapim moa long 1.2 bilien kina, em i wankaim mak long 11 pesen bilong olgeta mani i save kamap insait long kantri o gros domestik prodak na 19 pesen bilong olgeta samting we i save go ausait long kantri na bringim mani i kam insait. Sapos mipela bin larim kampani long pasim Ok Tedi main long dispela taim, tru tumas dispela kantri na Westen Provins bai painim bikpela bagarap.

Olsem na NEC (Nesenal Eksekutiv Kaunsil) i bin pasim tok long larim Ok Tedi main i op yet.

Tasol bipo long gavman i pasim dispela toktok, mipela i bin kisim sampela toksave long ol saveman long wanem samting bai kamap long ol bus, wara na abus na graun, wanem kain mani bai em i kamapim, na long sindaun bilong ol pipel, na tu wanem kain loa em i stap long karamapim dispela tingting.

Dispela tok orait bilong main bai go het em i kam long gavman stret na i no long tingting bilong BHP Billiton.

Taim BHP Billiton i bin kisim toksave long tingting bilong NEC, orait ol i wanbel long kam na toktok long wanem kain wok bai kamap namel long kampani na gavman sapos main bai go het yet long wok long helpim Papua Niugini. Long mekim dispela toktok, gavman na BHP Billiton i bin kisim wanpela ausait kampani, Rothschilds mesen benk (Rothchilds Merchant Bank) long kamap namel man bilong lukluk, glasim gut na givim tingting long wanem rot long kisim.

Wanbel Tingting bilong olgeta lain

Olgeta lain i mas wanbel long wanem tingting i kamap, em stet, BHP Billiton na patna bilong em, Inmet bilong Kanada, ol pipel bilong Westen Provins, Flai Riva na ol papa graun bilong main. Ol i bin givim bikpela taim long toktok wantaim olgeta lain long komyuniti we bai kisim mani o bagarap long dispela main.



PNG SASTAINABEL DIVELOPMEN PROGEM LTD

yia strong

As tingting bilong ol dispela toktok em:

- Ol pipel we kisim bagarap long graun, wara na bus bilong ol i mas kisim gut pe o kompensesen long wok bilong main
- Kampani i mas lukluk long stretim ol hap graun, bus na wara we i bagarap pinis na long wok long noken moa bagagrapim graun, bus na wara
- Kamapim ol loa bilong ronim dispela rot bilong kisim mani bilong kantri, I bai go het long wok gut wantaim gutpela sefti loa, na gavman bai noken bosim em.
- Ol i mas painim stretpela we bilong yusim ol win mani bilong main bilong helpim tru ol pipel long sindaun bilong ol long komyuniti na we bilong kisim mani insait long nesen na moa yet long Westen Provins.



Klostu 12-pela mun i pinis na ol i pinisim dispela toktok na wanpela wanbel tingting i kamap olsem bai ol i putim wanpela loa long bai ol i ken larim BHP Billiton long em i ken lusim Ok Tedi Main Ltd, na olsem em i papa na man bilong ronim main na go het bilong main.

2001 Ekt bilong Ok Tedi Main Bai Go Het

Long Disemba 2001 ol i bin kamapim, dispela loa, Namba 9 Saplimen Agrimen Ekt 2001 long Ok Tedi Main Bai Go Het. Dispela loa i karim foapela bikpela mak we i stap antap, na i kamapim ol sistem na rot bilong kamapim ol dispela bikpela mak. Dispela loa i gat as insait long Mama loa long wanem em i karamapim tupela hap bilong tok i go pas bilong mama loa:

- Insait long tok i go pas bilong mama loa, tok i stap olsem Papua Niugini i mas sanap strong wantaim wokman bilong em yet, na i kamap long tuhat bilong ol pipel yet, na tu yumi mas lukautim gut ol samting bilong graun bilong Papua Niugini, na em i mas stap gut na sambai long helpim olgeta pipel.



Daru Trestle Wof i pinis, Western Provins



- Nambawan wok bilong sindaun bilong ol pipel na long lukautim ol mani, kako na ol samting long graun na bus, wara bilong Papua niugini i mas noken lukluk long amamas bilong nau tasol, tasol ol i mas tingim tu sindaun bilong ol tumbuna long bihain taim.

Insait long Tok i go pas bilong mama loa i gat luksave olsem mani na tu bagarap i kamap long wok bilong main, i mas gat mak bilong em insait long nesen na moa long Westen Provins.

Hap tok insait long Tok i go pas bilong mama loa i luksave long dispela:

- Wok mani bilong Ok Tedi main i bin bringim bikpela developmen na senis long sindaun bilong pipel long we bilong kisim mani long olgeta Papua Niugini, na moa yet long ol pipel bilong Westen Provins; na
- Wantaim helpim bilong kampani, helt bilong ol pipel klostu long main eria i bin kamap gut tru taim Ok Tedi main i bin stat i kam inap nau; na
- Wantaim wok bilong kampani, gutpela rot i bin kamap, mani i bin kam insait long kantri na Westen Provins, planti man meri i kisim wok mani, planti bisnis i kamap, gutpela trenspot sistem i kamap na i gat gutpela skul na ol tren-ping bilong wok na gutpela sindaun i kamap.

As tingting bilong Namba 9 Saplimen Agrimen Ekt 2001, em i bilong givim bekap bilong loa long strongim ol wanbel tingting we i bin kamap namel long Stet bilong Papua Niugini na BHP Billiton.

Ol bikpela tingting bilong dispela Ekt, em olsem:

- Larim BHP Billiton long lusim OTML, na givim 52 pesen sea bilong kampani i go long helpim ol pipel bilong Papua Niugini, moa yet long pipel bilong Westen Provins, na long bekim dispela, bihain taim, nogat loa bai holim BHP Billiton sapos ol i kotim em long kisim pe bilong bagarap i kamap long bus, wara na graun.
- Bai em i kamapim wanpela tras kampani, PNG Sastenebel Developmen Progrem Ltd long holim sea bilong BHP Billiton insait long OTML olsem tras bilong pipel bilong Westen Provins na Papua Niugini. PNGSDP i laikim BHP Billiton long putim 1-pela hap bilong win mani bilong OTML long wanwan yia i mas go long Westen Provins na Papua Niugini, na 3-pela hap i mas go insait long Fan bilong helpim ol pipel bilong Westen Provins long bihain taim main i pas.
- Em i mas kamapim Komyuniti Agrimen long Main bai go het (Community Mine Continuation Agreements (CMCA)), long helpim ol pipel bilong Flai Riva, husat bai i kisim hevi bilong main bai i mas mekim las tok long main i ken go het yet o nogat, na long wanem kain mak bilong pe o kompensesen bilong bagarap i kamap long graun, bus na wara bai ol i kisim.
- Em bai kamapim Ok Tedi Developmen Faundesen (OTDF), bilong menesim ol komyuniti developmen benefit long Ok Tedi main operesen long nem bilong olgeta 100,000 papa graun arere long bikpela wara Flai insait long 156 ples insait long Westen Provins. Stat long yia 2010, faundesen i wok aninit long nem, Ok Tedi Flai Riva Developmen Progrem, na em i bringim ol prosek na progrem long ol komyuniti aninit long karamap bilong wanpela wok bung wantaim bilong main, ol pipel na gavman
- Em mas kamapim plen bilong givim taim bilong lukluk gen long laip bilong main i ken go het, bihainim ol toksave wantaim ol ples we i sainim dispela agrimen bilong kamapim Komyuniti Agrimen long Main bai go het (CMCA)



PNG SASTAINABEL DEVELOPMEN PROGEM LTD

via strong

Wanem hap moni bilong PNG i go long Ok Tedi*

Total dividends to end 2012	PNGSDP	State
\$US4.8 billion**	\$US2.0 billion	\$US1.2 billion
Taxes and charges paid/received***	-\$US0.2 billion	\$US2.6 billion
TOTAL	\$US1.8 billion	\$US3.8 billion
How PNGSDP spends its share of OTML dividends		
Dividend paid	\$US1.8 billion	
Administration	\$US66 million	
2/3 to Long Term Fund	\$US1.16 billion	
1/3 to Development Fund	\$US0.578 billion	
Share of Development Fund \$US578 million		
2/3 National Projects	\$US385 million	
1/3 Western Province Projects	\$US193 million	
Western Province Projects K465.5 million		
Reserved for CMCA projects****	K150.5 million	
PNGSDP projects	K315 million	

*As at end 2012
 **The \$US4.8 billion includes dividends paid to the original preference shareholders of OTML, and BHP and Inmet. It also includes the buyback of Inmet shares, paid for out of dividends foregone. This totals \$US1.6 billion. The amount shared between the state and PNGSDP is \$3.2 billion.
 ***OTML: Company income tax, Dividend Withholding Tax, Salaries and Wages Tax, Customs duties, Withholding Tax, SiSS PAYE tax, GST, Mining Levy, Production Levy, Royalty Withholding Tax received. PNGSDP: Dividend Withholding Tax paid
 ****Spent K37 million. K113.5 million held in the Development Fund for drawdown

Loa sas long Stet na BHP

Long toktok bilong kisim mekim save long asua bilong bagarapim bus, wara na graun, PNGSDP i karamapim pinis Stet na BHP Biliton olsem na bai ol i noken kisim kot long dispela. Long strongim ol dispela karamap bilong loa, tupela lain wantaim i gat sea long wanem ol haus na samting bilong wok i stap, wantaim sea bilong OTML tu.

Toktok i kamap olsem loa i karamapim BHP Biliton tasol, na long em i kisim olgeta sea na ol arapela haus na samting bilong wok, em i no trupela tok. Loa i karamapim stet tu long dispela, na tu em i gat ol PNG sea long OTML na ol arapela samting i gat bikpela mani.

Straksa bilong PNGSDP

PNGSDP em i wanpela praivet kampani i no save mekim profit wantaim tok orait. Em i rejista long Singapore, na long Papua Niugini em i stap olsem kampani bilong narapela kantri. Ol praivet kampani limited wantaim tok orait, em ol kain kampani we ol trasti kampani i save yusim ol o ol faundesen, NGO, na kampani i no save kisim profit na ol sariti grup.

Straksa bilong PNGSDP long ronim wok, i wankain olsem Red Kros long Australia. Ol dispela kain kampani i no save gat seaholda olsem na ol i mas yusim ol mani bilong ol, bihainim ol lo we i stap long mama loa na ol tok skul bilong ol yet.

PNGSDP i gat ol loa bilong progrem bilong ronim wok, menesim fan, wok ples klia na long gutpela we. Dispela ol loa i tok Stet na BHP Biliton i wanbel long ol mani nau Ok Tedi i kamapim bai i mas go aut long ol pipel bilong Papua Niugini na Westen Provins bilong nau na long bihain tu.

Stet na BHP Biliton wanbel long yusim dispela trasti stail bilong ronim wok bikos PNGSDP em bai kamap olsem wanpela sariti wok, we ol pipel bilong Westen Provins na PNG bai kisim halivim.

Nambawan as bilong dispela progrem em long putim ol profit mani bilong OTML i go long ol kampani we bai kamapim moa mani, olsem bai oltaim i gat inap mani bilong kamapim wok developmen long nau na long 40 yia bihain long taim Ok Tedi main i pas pinis.



- Em mas kamapim nupela we bilong bus, wara na graun long Ok Tedi main
- Em mas kamapim nupela plen bilong pasim main

Kamap bilong PNGSDP, emi i bin bikpela tingting tru insait long lewa bilong Namba 9 Saplmen Agrimen Ekt. Dispela em i sut long tingting olsem OTML bai katim ol profit mani bilong em long gutpela we, na em i bosim em yet, na i no haitim wanpela samting, na tu i tingim ol arapela i stap insait long dispela agrimen.

PNGSDP i kamap long larim main i go het long Ok Tedi na long kamapim mani bilong wok developmen i go long ol pipel bilong Westen Provins long wanwan yia bihain long main i pas.

Wanpela laptop long wanwan pikinini 2010





PNG SASTAINABEL DEVELOPMEN PROGEM LTD

via strong



Mainohana Skul Klinik op, Kairuku, Sentral Provins



Mbuke Ailand Agrikalsa Teknoloji Projek long Manus



Monfort Pramerer Skul, Western Provins




Callan Sevises Mental Helt Senta, Kiunga Western Provins

Daru Ples Balus projek selebresen, Western Provins



Winmoni i go long PNG ikam long Ok Tedi, US\$m



Dispela straksa i bin kamap long lukautim mani bilong Fan bai i stap longpela taim, olsem bai em i ken stap yet bilong helpim ol pipel bilong Westen Provins tasol, bihain long main em i pas.

PNGSDP straksa i sanap longpela taim nau na i nogat as long senisim dispela straksa.

Dispela straksa i mekim isi tu long givim gutpela was long we bilong ronim wok bilong Ok Tedi Main Ltd, wantaim narapela sea holda em Stet bilong Papua Niugini.

We bilong ronim main tu i bin sanap longpela taim nau.


PNGSDP Bod ov Dairekta

Long fes 10-pela yia taim PNGSDP i statim wok, BHP Billiton i bin makim 3-pela dairekta. Long stat, Stet bilong Papua Niugini, i bin kisim wankain mak na pe bilong tripela dairekta. I gat wanpela independen dairekta bilong Singapore, aninit long loa bilong Singapore bikos PNGSDP i rejista aninit long loa bilong Singapore.

BHP Billiton i no bin gat bikpela pes long PNGSDP bot.

Nau, dispela bot i gat 9-pela dairekta, na tupela tasol em BHP Billiton i makim, Mista Philip Bainbridge na Mista Patricia Casell. Narapela 7-pela dairekta em olsem: wanpela em Benk ov PNG bai makim; Mista Don Manoa, em PNG Semba ov Komes na indastri i makim; Mista Rex Paki, em Tresera i makim; Mista David Sode, em PNGSDP Sif Eksektiv; Dokta Modowa Gumoi em Westen Provins Edministreta; Mista Lim How Teck, em dairekta bilong Singapore na las em mi yet (Sir Mekere Morauta).

Givimaut winmoni i go long Stet





PNG SASTAINABEL DEVELOPMEN PROGEM LTD

via strong

Long Septemba 2012, BHP Billiton i tokaut olsem em bai i no moa nominetim ol dairekta. Nau i gat nupela sistem, we em i larim ol olupela dairekta long nominetim ol lain bilong kisim ples bilong ol long bot, sapos ol dairekta i wanbel.

Mi bin kamap wanpela dairekta aninit long dispel nupela sistem, na ino BHP Billiton i makim mi. Aninit long dispela loa, taim tupela nomini bilong BHP Billiton i ritaia, BHP Billiton bai nogat moa nupela nomini bilong BHP Billiton long kamap dairekta long bot.

BHP Billiton i no gat wanpela toktok insait long PNGSDP or OTML. Em i gat wanpela wok tasol, long makim tripela dairekta, tasol dispela wok tu nau bai i pinis. Narapela em long kisim wanpela ripot long wanwan yia wantaim Stet bilong PNG.

Em i nogat wanpela gutpela samting o mani na wok bilong menesmen insait long main o PNGSDP.

BHP Billiton i no bin toktok long larim Ok Tedi main i wok yet long bipo na nau tu em bai i no nap toktok long larim main i go moa yet.

Aplikesen bilong Main Laip Ekstensen

Ok Tedi Main Ltd i bin kamapim aplikesen bilong MLE (Main Laip Ekstensen) o singaut bilong surukim taim bilong main i go moa. Tok orait bilong laip bilong main bai go yet, em bai kam long Stet olsem bos bilong lukautim ol main na long narapela sait olsem seaholda, na tu PNGSDP olsem narapela seaholda bilong OTML. PNGSDP i gat 63.4 pesen sea na Stet bilong Papua Niugini 36.6 pesen sea.

Sapos Stet na ol komyuniti insait long Westen Provins we main i senisim laip bilong ol, (CMCA) i no tok orait, MLE bai i no nap long go het nating. Ol CMCA komyuniti i givim pinis tok orait bilong ol long Main Laip Ekstensen (MLE) bai go het. PNGSDP, olsem wanpela bikpela seaholda bilong OTML, i sapatim dispela MLE. Ripot bilong wok painim aut o fisibiliti stadi i soim olsem MLE bai kamapim 4.3 bilien Amerika dola long kamapim gut sindaun bilong ol pipel na long



kamapim moa mani long PNG. Main Laip Ekstensen i kamapim 660 milien dola moa em i apim 1,812 milien dola mani mak bilong em i go long 2472 milien dola moa.

Takis na profit bilong OTML i kam long PNG long 10-pela yia

Ol gutpela samting i kam long Ok Tedi main long ol pipel bilong Papua Niugini, na pipel bilong Westen Provins i kamap ples klia pinis. Bungim olgeta wantaim em OTML i peim pinis 3.9 bilien Amerika dola i go long Stet bilong Papua Niugini long pinis bilong 2012 na 2.6 bilien dola long takis, na 1.2 bilien dola long profit mani.

Antap long dispela em ol i tromoi narapela 289 milien dola long wokim ol rot na rot mentenens insait long Westen Provins.

Bikpela win mani long Ok Tedi em go aut long 10-pela yia, taim PNGSDP i bin kamap.

Win mani i go long PNGSDP

PNGSDP i kisim win mani mak long 1.8 bilien dola, bihain long ol i rausim takis bilong holim win mani em i 200 milien dola.

Mani PNGSDP kamapim i wok olsem wanem

Long taim bilong em i bin kamap long yia 2002 inap long pinis bilong 2012, PNGSDP i bin putim 1.18 bilien kina long kamapim 662 developmen prosek long planti hap bilong Papua Niugini na em i holim 1.4 bilien Amerika dola mak insait long Fan bilong stap longpela taim (Long Term Fund). Olgeta kina we i go long wok em i gat klinpela stori bilong em insait long ol enual ripot (Annual Report) we ol i save givim aut long ol pablik miting insait long Papua Niugini olgeta yia.

Ol prosek bilong PNGSDP i save promotim o strongim gutpela laip long komyuniti na gutpela we bilong kamapim mani na em i save wok strong long sapatim ol plen bilong gavman insait long Nesenel Gols na Dairektiv Prinsipel bilong Mama Loa:

- Developim pipel (Integral Human Development)
- Olgeta manmeri i wankain long wok wantaim (Equality and Participation)

Komyuniti Klaimet Senis na Reforestesen projek, Istan Hailans



- Sanap strong olsem wanpela nesen long strong bilong yu yet (National Sovereignty and Self Reliance)

- Ol samting stap insait long graun na antap long graun (Natural Resources and Environment)

- We bilong Papua Niugini (Papua New Guinea ways)

Ol prosek we PNGSDP i givim mani long ol, em i save makim stret we bilong kamapim gutpela laip sindaun bilong ol pipel insait long ol komyuniti long olgeta hap bilong nesen na moa long Westen Provins.

1.18 bilien kina PNGSDP i putim long ol prosek

Stat long yia 2002 i kam inap nau, PNGSDP i bin lusim 737 milien kina long kamapim 414 Nesenel Prosek na 446 milien kina i go long 248 prosek insait long Westen Provins.

Plantilong ol prosek, mak olsem 555 milien kina long nesenal na Westen Provins em ol i sut stret long kamapim gutpela sindaun insait long komyuniti, kain olsem ol klasrum, ed pos, rot, bris, na sip bris.



HIV & AIDS Komyuniti bung, Kefamo, Isten Hailans



Rural elektrifikasi, Western Provins



PNG SASTAINABEL DIVELOPMEN PROGEM LTD

via strong



Telekominikesen taua i op, Western Provins

Wanpela bikpela wok developmen we i senisim tru laip bilong ol pipel em long komyunikesen tawa na netwok i kamap long Westen Provins Sandaun Provins long apsait, we i bin kos olsem 73 milien kina na 4 milien kina long Galf Provins.

Long olgeta hap bilong wol i gat luksave olsem gutpela telekomyunikesen i save bringim bikpela senis long sindaun bilong ol pipel na kamapim planti we bilong kisim mani. Ol tawa prosek we PNGSDP i bin putim i bin kamapim bikpela senis na nau moa long ten tausen pipel insait long tripela provins i ken salim toktok i go i kam wantaim mobail fon na intanet.

Wanpela wok bung wantaim Wol Beng long stretim ol long rural eria i bringim Wol Benk i kam bek gen long PNG bihain long em i bin givap long kantri long wanem i bin hat tumas long mekim bisnis wantaim dispela kantri. Nau em i gat bikpela wok kamap long Sentral, is Nu Briten, Galf, Manus, Morobe, Oro na Wes Nu Briten na Westen Provins i bihainim ol dispela provins nau.

Lukluk bilong PNGSDP long ol pikinini bilong bihain taim em long kamapim gut ol Edukesen na Helt. 73 milien kina nau ol i makim long stretim ol wok bilong Helt insait long 124 prosek na 105 milien kina bai i go long Edukesen wantaim 100 prosek.

PNGSDP i go het yet long helpim ol gutpela liklik wok prosek long ol komyuniti kain olsem haus tisa, haus bilong ol nes na ol arapela wokman meri bilong komyuniti, skul klasrum na ol helt senta.

Long Westen Provins tasol, PNGSDP i putim 31 klasrum, 24 haus tisa, tupela haus slip bilong ol sumatin, 14 helt senta na 22 haus bilong ol nes. Bungim olgeta helpim long ol komyuniti bes prosek we PNGSDP i fanim long Westen Provins em i sanap olsem 12 milien.



Emmaus Farm Project, Western Province.



Kokonda-Gre rot projek, Western Provins



Daru wara saplai inspeksen, Western Provins



PNG SASTAINABEL DEVELOPMEN PROGRAM LTD

via strong

PNGSDP Projek long Sekta*

Programs	Funding Commitment	No. of Projects
Miscellaneous Projects	48.6	56
Agriculture	109.5	38
Capacity Building	112.8	131
Multi-Media & Communications	12.4	7
Education	105.1	100
Energy	57.3	2
Environment	4.5	10
Finance	18.6	2
Fisheries	30.8	6
Forestry	10.7	20
Health	72.9	124
Infrastructure	554.5	98
Tourism	2.4	9
Project Management	44.0	59
GRAND TOTAL	1184.0	662

Mani mak bilong olgeta prosek long komyuniti i winim wanem kain mani i kam insait bikos komyunini na ol arapela poroman I wok hat, mensesem prosek, stretim rot bilong karim wok i go i kam, wok bisnis na save bilong wok na planti narapela gutpela samting ol i putim i go insait long prosek.

PNGSDP i givim ilektrisiti o pawa i go long 18,000 pipel insait long 18-pela ples insait long Kiunga-Tabubil eria, em i bin kos olsem 35 milien kina. PNGSDP nau bai putim wanpela sola pawa prosek long Saut Flai inap long 32 milien kina long bringim pawa i go long 49-pela ples insait long Dudi, Kiwaba na Manawete eria. Dispela pawa prosek bai kos 32 milien kina.

Dispela wok bilong bringim pawa long ol dispela ples em i winim olgeta wok bilong pawa insait long ol ples kanaka long Papua Niugini. I nogat wanpela wok bilong pawa insait long kantri bai winim dispela.

Insait long dispela mun Epril, bikpela plen bilong stretim ples bilong wanpela wara saplai prosek bilong 19,000 pipel long Daru bai kamap, na em bai kosim 52 milien kina. Narapela 40 milien kina wok bai ol i yusim long stretim Daru ples balus, narapela 10.2 milien kina bai ol i yusim long wokim wanpela spesel sip bris (Trestle Jetty) long Daru Taun.

Stori bilong ol dispela prosek na ol mani stori bokis long sait i soim piksa olsem insait long 10-pela yia i go pinis, wok bilong PNGSDP na OTML i bin kamap nambawan tru.

Fan bilong Lukautim Pipel long bihain taim (Long Term Fund)

Kamapim bilong Fan bilong lukautim pipel long bihain, we i save kisim man i kam long 2-pela hap long Ok Tedi, i soim olsem PNGSDP i kamapim gutpela wok.

Long pinis bilong yia 2012, i gat 1.4 bilien Amerika dola in stap insait long dispela fan, long em bai i ken givim strong long Westen Provins i ken kamapim ol gutpela wok inap stap longpela taim, winim 40 yia bihain long Ok Tedi main bai pas.

PNGSDP i putim 1.2 bilien Amerika dola, mani we ol i holim bek long wok bilong ronim opis na takis mani we ol i no peim go long gavman, i go insait long Fan bilong lukautim pipel long bihain taim. Taim PNGSDP i putim ol mani i go long ol wok we i no nap painim bagarap hariap, em i sevim 200 milien Amerika dola mani mak.

Fan bilong lukautim pipel long bihain, i putim mani long planti maket long olgeta hap bilong wol bilong wanem em i laikim bai ol mani ya bai stap seif na stret. 23 pesen bilong fan, mani mak 307 milien Amerika dola, i stap nau long ol bisnis insait long Papua Niugini we bai i no nap painim bagarap. Nogat mani bilong dispela fan

i stap long Singapore. Tasol mi ting olsem, em i no bikpela samting long yumi toktok tumas long wanem hap dispela mani i stap long em long wanem, ol pipel bilong Westen Provins i stap papa yet bilong dispela mani. PNGSDP i gat asua long putim mani bilong Fan bilong lukautim pipel long bihain, long hap we em i no nap kisim bagarap o lus olsem na em i wokim olsem.

Namba wan objektiv o wok bilong PNGSDP invesmen program em bilong mekim Fan bilong lukautim pipel long bihain taim, wantaim win mani o interes, profit mani na mama mani yet wantaim ol mani i kamap long taim ol i senisim mani bilong arapela kantri i kam long kina i kamap bikpela.

Taim dispela Fan i kamap bikpela pastaim long main bai i pas, invesmen long mani i kam insait long wanwan yia bai i kamap bikpela tru, inap long mak we dispela invesmen mani i ken karim olgeta kos bilong wok bilong PNGSDP. Dispela i no nap long daunim fan mak bilong mama mani bilong fan.

Divelopmen Fan

Narapela Fan PNGSDP i kamapim em Divelopmen Fan, we ol i yusim long sapotim ol prosek. Dispela fan em i save kisim 1-pela hap bilong profit mani i kam long OTML, bihain long ol i save rausim olgeta kos bilong operesen, peim ol kontrak na ol arapela fi we loa i makim long kampani bai peim.

Namel long nau na taim bilong pasim main, wanpela hap bilong Divelopmen Fan bai i go stret long Westen Provins, na 2-pela hap bai i go long Nesanel Fan. Olgeta yia, PNGSDP i save yusim Divelopmen Fan mani long kamapim ol prosek, tasol olgeta mani we ol i no yusim, em i save putim long ol hap we dispela mani bai gro wantaim win mani bilong yusim long bihain taim.

PNGSDP i bikpela sea holda bilong OTML

PNSDP em i gat ol gutpela we na strongpela loa bilong lukautim mani, na tu em i kamap wanpela gutpela eksampel bilong papa bilong wanpela main bikos em i holim 63.4 pesen sea bilong OTML. PNGSDP i lukim ol hevi long bus, graun na wara long eria bilong main olsem wanpela bikpela salens bilong OTML, olsem na PNGSDP i save painim rot bilong kamapim gut ol wok bilong lukautim bus, graun na wara aninit long nem bilong OTML.

Long yia 2002 i kam i nap nau, OTML i bin lusim mani mak bilong 2.4 bilien kina long lukautim bus, wara na graun. Ol i save klinim insait bilong wara Bige, ol hul long graun bilong putim ol salfa na aian ston bilong main (pyrite), masin bilong rausim salfa long main, was long ol sip i karim kago i go i kam, was long lukautim ol samting save dai na ol stretim gen, luk-save long bus, wara na ol abus insait long ol i stap olsem wanem, luksave long ol pipia bilong main i go olsem wanem na lukluk long helt bilong ol komyuniti. Kos bilong wok bilong rausim salfa na long holim long stoa haus tasol, stat long yia 2005 i kam inap long yia 2011, nau i kisim mak bilong 840 milien Amerika dola mani.

Ol proposal bilong MLE i givim toksave bilong ol pipia ston we main i no yusim i mas stap long wanpela ples bilong tromoi pipia ston klostu long main. Wantaim wok bilong klinim as bilong wara na long rausim salfa nau is tap na tu rot bilong tromoi pipia ston i stap insait long MLE proposal, PNGSDP i lukim ples bilong holim pipia ston olsem wanpela bikpela nupela we tru bilong mekim gut ol ples we main i bagarapim.

PNGSDP i tok strong long OTML mas mekim wanpela fisibiliti stadi o wok painimaut long ol eria we ol i ken putim dispela stoa haus bilong holim pipia ston bilong main. Dispela stadi bai i pinis long 2013 yet na PNGSDP i bilip em bai kamapim gutpela tingting.

PNGSDP Projek long Provins*

Province	Kina Funding Commitment	No. of Projects
Central	74.7	18
East New Britain	49.2	7
East Sepik	1.2	4
Eastern Highlands	0.9	4
Enga	2.3	11
Gulf	15.6	7
Madang	12.9	10
Manus	0.5	5
Milne Bay	2.6	14
Morobe	1.1	12
National Capital District	22.5	30
New Ireland	0.2	1
Multi-Province Projects	220.0	114
North Solomons	9.4	33
Oro	14.2	6
Simbu	1.5	11
Southern Highlands	2.9	19
West New Britain	0.3	3
West Sepik	16.2	7
Western Highlands	3.5	26
Western Province	718.7	309
Project Management	13.6	11
GRAND TOTAL	1184.0	662

*As at March 2013, millions of Kina

PNGSDP Projek long Provins long Sekta*

Programs	NATIONAL PROJECTS		WESTERN PROVINCE	
	Funding Commitment	No. of Projects	Funding Commitment	No. of Projects
Miscellaneous Projects	30.7	41	17.9	15
Agriculture	33.5	14	75.9	24
Capacity Building	10.4	101	102	30
Multi-Media and Communications	11.0	3	1.7	4
Education	27.2	51	77.9	49
Energy	57.3	2	0	0
Environment	3.3	6	1	4
Finance	18.6	2	0	0
Fisheries	0	0	30.8	6
Forestry	2.0	4	9	16
Health	52.8	84	20.1	40
Infrastructure	468.9	74	85.7	24
Tourism	0.5	2	1.9	7
Project Management	21.6	30	22.4	29
GRAND TOTAL	737.8	414	446.7	248

*As at March 2013, millions of Kina



Daru Baramandi Hatseri, Western Provins 2012



Mbuke Ailand Agrikalsa Teknoloji Projek, Manus, 2010



PNG SASTAINABEL DEVELOPMEN PROGEM LTD

via strong

Moa developmen bilong Ok Tedi main na ol narapela main long ol stap klostu i ken go het sapos nau kampani soim gutpela wok bilong lukautim bus, wara na graun.

Long dispela taim, Ok Tedi i wok wantaim laisens gavman i givim we em i larim Ok Tedi long tromoi pipia ston long wara. Gavman em wanpela sea holda na tu em save mekim loa bilong kampani bihainim. Somare Gavman in bin givim dispela laisens nambawan taim long yia 1984 bihan long Ok Ma ples bilong tromoi pipia ston i bin pundaun na bagarap.

Aninit long olgeta gavman, stat long 1984 i kam, stet i bin larim main long tromoi pipia ston long wara. Olsem na sapos nau baitok i kamap olsem BHP Billiton wanpela i asua long bagarap i kamap long bus, wara na graun bikos long main i wok yet, em i no stret. Wok bilong lukautim bus, wara na graun long hap bilong OTML i wok, em oltaim i save kisim tok orait bilong PNG gavman.

PNGSDP i save kamap namel man bilong OTML na ol papa graun bilong main eria na ol lain is tap arere long bikpela wara na olgeta hap bilong Westen Provins long painim gutpela wanbel na wok kamap.

PNGSDP i saptim OK Tedi Developmen Faundesen (OTDF) long tupea rot. Nabawan em long 63.4 pesen sea em i gat insait long OTML bilong wanem, OTML i gat 75 pesen sea insait long OTDF, na narapela rot em long 25 pesen sea bilong em yet long OTDF.

PNGSDP i wok wantaim OTML long toktok wantaim ol papagraun bilong main eria na ol lain stap arere long bikpela wara Flai long MLE (Main Laip Extensen) o singaut bilong surukim taim bilong main i go moa. Dispela aplikesen em olgeta CMCA komyuniti i wanbel pinis.

OTML wantaim strong bilong em yet i save givim bikpela helpim i go long nesanel na Westen Provins. Em i gat 2000 wokmanmeri, 95 pesen bilong ol dispela wokmanmeri em ol Papua Niugini stret na long dispela namba em 36 pesen i kam long Westen Provins yet. Antap long dispela, ol bisnis patna we i wok wantaim OTML i gat 1500 wokmanmeri. OTML i putim bikpela mani long trening na developmen bilong helpim ol woklain long kisim save bilong mekim wok bilong ol gut.

88 pesen bilong 2829 sevis kontrak long 2012 i bin go long ol PNG kampani, sampela em ol join vensa. 590 milien kina i bin go long ol dispela PNG kontrak kampani em 54 pesen bilong olgeta kontrak OTML i save givim aut.

Las toktok

PNGSDP na Ok Tedi i kamapim gutpela nem insait long Papua Niugini long las 10-pela yia i go, na nogat man bai i ken tok dispela em i no tru.



HIV & AIDS Komyuniti bung, Kefamo, EHP 2007

WP intanesenel skolasip fes intek 2010

Ok Tedi main i bin peim 16 bilien kina takis na long profit mani i go long ol Papua Niugini man meri long dispela las 10-pela yia.

PNGSDP

Insait long 10-pela yia i go pinis OTML bin peim 1.8 bilien dola profit mani go long PNGSDP.

PNGSDP, olsem trasti, em i putim 1.2 bilien dola bilong ol profit mani i go long Fan bilong Longpela taim.

Ol i investim dispela mani long narapela kantri na long Papua Niugini we bai em i no nap long lus. Fan bilong longpela taim, nau i gat 1.4 bilien dola.

Dispela mani, i stap gut wantaim menesmen bilong PNGSDP aninit long straksa bilong em, na em bai no nap painim wanpela hevi. Em i stap bilong yusim long helpim ol pipel bilong Westen Provins bihan long Ok Tedi main bai pas.

Antap long dispela 1.4 bilien dola insait long Fan bilong Longpela Taim (Long Term Fund) bilong ol pipel bilong bilong Westen Provins long lukautim ol long bihain taim, PNGSDP i putim narapela 385

PNGDSP Helt na Edukesen liklik infrastraksa projek*

	No.	TotalFunding Commitment	Est Value**
Classrooms			
Western Province	31	3.8	8.0
National	70	5.5	12.0
Teacher Houses			
Western Province	24	2.3	5.0
National	42	3.9	9.0
School dormitories			
Western Province	2	0.5	2.0
National	8	2.1	5.0
Health Centres			
Western Province	14	3.0	8.0
National	24	4.3	10.0
Nurse houses			
Western Province	22	1.9	4.0
National	18	1.7	4.0
Nurse school dormitories			
Western	1	0.5	1.2
National	3	0.5	1.2
GRAND TOTAL		30.0	69.4

* Millions of Kina
**The value of the finished projects is generally far higher than the cash inputs because communities and other partners supply sweat equity, project management, logistics, trade and other skills and many other valuable forms of contribution

milien dola i go long ol prosek long olgeta hap bilong kantri na 193 milien long ol prosek long Westen Provins na olgeta wantaim kisim mani mak bilong 578 milien dola.

PNGSDP i makim rot long Papua Niugini, long kamapim Fan bilong Longpela Taim, we em i gutpela we bilong lukautim bikpela profit mani, na lukautim bilong bihain ol tumbuna i ken kisim helpim long em.

“PNGSDP em i wanpela kain oganaisesen bilong em yet. Mipela i no save long wanpela kain oganaisesen olsem long olgeta hap bilong wol,” em tok bilong tupela Profesa Sephen Howes na Eric Kwa, husat i bin raitim buk riviu bilong ‘indipenden Papua Niugini Sastanabel Developmen Progrem long 2011.

Lukim ol arapela risos prosek, olsem Bougainville, Lihir, Misima, Porgera, Kutubu o LNG prosek. Ol i nogat straksa olsem PNGSDP long sevim bikpela hap mani bilong lukautim ol papa graun long nau na long bihain taim.

Em olsem na mi tok, PNGSDP em i wanpela kain oganaisesen bilong em yet. Olsem na em i dia tumas. Ok Tedi main i bin ron gut long 11 yia i go pinis bikos long PNGSDP i kamap olsem bikpela sea holda makim ol pipel bilong Westen Provins. Taim PNGSDP i kamap olsem wanpela papa bilong Ok Tedi main, nogat wanpela bikpela hevi long bus, graun. PNGSDP i gat gutpela stori olsem wanpela hap we i lukautim mani bilong ol pipel, na olsem wanpela developmen esensi. Dispela em tok tru we mipela gat wok tru long soim.

Mi bin stap siaman bilong PNGSDP stat long Oktoba las yia, na mi save long sampela wok bilong operesen insait long oganaisesen i no bin gutpela tumas. Mipela mekim wanpela wok painim aut nau long glasim gut menesmen straksa na bai rausim sampela rot blok na kamapim moa developmen eksen.

PNGSDP bot na menesmen bai wok hat long kamapim gutpela nem bilong PNGSDP long harim ol hevi bilong ol komyuniti na helpim ol.

Wantaim dispela strongpela tingting na Fan bilong longpela taim bihain i stap, Westen Provins bai kisim bikpela helpim long kamapim mani na gutpela sindaun long ples wantaim mani bilong main we PNGSDP i papa long en.

Papua Niugini tu bai kisim helpim long taim PNGSDP i go het yet na tu long ol sea stet i gat long Ok Tedi Main Ltd.

Papua Niugini bai kisim helpim taim Ok Tedi main i wok yet wantaim stretpela we bilong ronim kampani.



Rais em 'marasin' bilong Madang ples lain

James Geno Kila i raitim

PLANTI ol ples lain long Madang provins i save kolim rais olsem "marasin".

Dispela stail tok-pilai i gat sampela mining long en tu i stap. Na long Madang yet, i gat wampela paket lokal rais ol ol i kolim "Magic Marasin". Dispela paket em DAL (Dipatmen ov Agrikalsa na Laipstok) i kamapim long promotim lokal rais bilong Madang stret, em ol lokal groas yet i planim long ples.

Em tru olsem insait long planti ruel ples long PNG, ol pipel i save laikim tru long kaikai rais, na rais i kamap pinis olsem wampela stepol kaikai, o kaikai ol manmeri i save laikim tru na kukim oltaim long strongim bel taim ol i hangre.

I gat planti stori bilong rais i stap long planti ples long PNG.

Long taim i gat wampela kibung o pati, bai yu lukim olsem planti lain bai skin-kirap stret na wantu putim han long kisim plet rais, na abrusim taro kongkong, banana o tapiok. Tru tumas, rais i kamap olsem bun tru bilong ol ples lain ya.

Long Madang provins i gat sampela ol ples insait long Raikos, Sumkar, Midel Ramu, Bogia na Usino-Bundi we ol lokal fama i go pas long groim rais na ol yet i save milim o rausim skin bilong rais na i save kaikai.

Sampela i save yusim lokal teknoloji bilong ol yet long milim o rausim skin bilong rais bihain long grein i drain na ol i save rausim pipia pinis na kukim na save kaikai.

Madang Provinsal Dipatmen ov Agrikalsa na Laipstok (DAL) Mary Lilih i tokaut olsem DAL yet i no save givimaut rais miling masin i go long ol famas. Ol i save kisim helpim i kam long JICA (Japanis Intanesenel Koporesen Ejensi)

Misis Lilih i bin mekim wampela lukluk raun las wik wantaim ol lain agrikalsa opisa bilong Ramu NiCo i go long Waput na ol viles insait long Usino lokal level gavman long glasim wok ol lokal fama i mekim long rais prodaksen na hamas beg grein rais ol i save kamapim.

Em i toktok wantaim ol famas long Waput na bihain em toktok wantaim ol arapela lain gen long Tapopo arere long rot-sait maket.

Sampela ol toktok Misis Lilih i givim long ol lain famas em bikipela salens tru.

Em i salensim ol long wok strong long rais bikos rais em wampela grein o sid we i ken stap longpela taim bihain long yu rausim ol sid long gaden na storim long haus. Em bai no inap bagarap sapos yu putim long beg na storim long haus long gupela ples we ren o ol binatang na rat i no inap bagarapim.

Long dispela wokabout wok raun bilong Misis Lilih, em i bin askim ol famas long ol hevi bilong ol na wanem samting i save daunim ol long sait long groim moa rais. Na bikipela bekim ol fama i tok em rais mil masin. Planti famas i tok, intares bilong ol long groim rais i wok long go daun bikos i no gat rais mil masin i stap klostu long ol.

Taim Misis Lilih i skelim toktok bilong ol manmeri, em i tokaut klia stret long ol olsem planti fama i save les tumas, na ol i no save yusim ol lokal teknoloji olsem kisa-mil o tongtong long rausim skin bilong rais na redim gut na kaikai.

Em i tokim ol tu olsem planti ol longwe ples olsem long Aiome na Simbai long Midel-Ramu distrik, ol fama i no save yusim masin bilong milim rais. Ol save yusim lokal teknoloji na ol i save kamapim moa rais.

"Mi ken tokim yupela olsem ol famas long Simbai na Aiome i no gat rais mil masin, tasol ol i save kamapim moa lokal rais," Misis Lilih i tok.

"Sampela long ol dispela rais ol Simbai



Ol lokal teknoloji ol ruel pipel save yusim long rausim skin bilong rais. Ol Foto: James Kila

Rais Fama long Waput i soim rais em bungim drain long ples.



Yangpela man yusim kisa-mil ol i wokim long diwai long rausim skin bilong rais grain.



Denmark Taurabe i soim "Magic Marasin" lokal rais paket bilong Madang stret.

lain i save salim long ol lain i kam olsem long Jimi veli long Jiwaka provins," Misis Lilih i tok.

Em i tok tu olsem planti taim ol famas husat i stap arere long rot i save tingting tasol long milim rais yusim rais mil masin, na i no save tingim ol lokal teknoloji olsem kisa-mil o tongtong.

Misis Lilih i stori tu long intares bilong em long promotim rais. Em i tok em i stat long promotim smol-skel rais long yia 1996 bihain long em i stap long wampela trening long Erap, klostu long Lae, Morobe provins we Trukai Indastris i ronim.

Em i tok bihain long dispela em i promotim rais long lukim sapos ol kain kain rais

we ol i save planim long drai graun i ken gro gut long PNG. Em yet tu i bin planim na luksave na i stat long promotim insait long ol distrik long Madang provins.

Misis Lilih i givim wampela strongpela toktok tru long ol famas long yusim ol lokal teknoloji olsem kisa-mil na tongtong long rausim skin bilong rais bihain long ol i redi long gaden na drai gut.

Misis Lilih i tokaut olsem insait long Madang provins i gat 56-pela rais miling masin. Tasol sori tru, olsem klostu 80-pesen bilong ol dispela rais mil masin i bagarap na sindaun nating i stap.

Narapela samting tu Misis Lilih i tok

olsem planti ol lain husat i save yusim ol rais miling masin i no save givim rekot i kam long en long hamas tan o beg rais ol i milim long ples. Olsem na nau yet em i no save tumas long hamas fama olgeta i stap insait long rais prodaksen long Madang provins.

Tasol, em i tokim ol famas olsem DAL i redi long helpim ol rais famas wantaim wampela program em JICA bai kamapim long trenim ol model famas long wokim bikipela rais gaden bilong ol na soim ol arapela long putim moa wok long rais prodaksen.

Yes, ating sapos moa lain i groim rais bai i gat planti 'Marasin' i stap long ples.



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wangepela singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT
7:00pm - Nius - YUMIFM Nius Senta

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - NIUS - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

Raun wantaim Wantok kru ...

Duban namba wan lida long helpim Madang musik

James Kila i raitim

OL MUSIKMAN bilong Madang i givim bikpela tok tenkyu tru long Polis Minista na Memba bilong Madang, Nixon Duban long givim K20,000 namba wan taim tru long sapatim ol musikman insait long distrik bilong em.

Mausman bilong ol Madang musik atis, Alfred Sibut i tok dispela helpim bilong Mista Duban em namba wan taim tru wangepela lida i mekim.

"Dispela helpim Mista Duban em histori stret bikos em namba wan nesenel lida bilong Madang long luksave long musik na sapatim wantaim dispela mani helpim," Sibut i tok.

Em i tok long ol yia i go pinis, nogat wangepela provinsal o nesenel lida bilong Madang i save sapatim ol musik mani insait long baset bilong em. Mista Duban i soim tru olsem em i gat bel na luksave stret long nid bilong ol yuts long distrik bilong em.

Sibut em wangepela olupela musik man bilong Madang, husat i go pas long Melanesian mambu ben, Kool Figures na tu em i bin raitim dispela naispela song "O Fatu" nau em planti lain i save kolim olsem provinsal song o entem bilong Madang provins



Polis Minista na Memba bilong Madang, Nixon Duban ...

Sibut i tok tu olsem musik em wangepela rot we i ken helpim ol yuts na ol yangpela long yusim taim bilong ol gut na stap isi na i

no mekim ol trabel insait long komyuniti. Na kain luksave bilong Mista Duban em gutpela tru na ol yuts bai kisim gutpela helpim.

Sibut i tok em i redim ol program bilong em pinis we bai em i trenim ol yangpela long ples na haus-lain long pilai musik, na kain helpim Mista Duban i givim bai strongim wokabaut bilong em.

Em i tokaut tu olsem Madang musik nau i wok long kamap feveret bilong planti lain insait long kantri. Tasol em i laik skulim ol yuts na ol yangpela long moa gutpela rot long save long pilaim ol westen instramen wantaim ol tumbuna instramen long kontemporarai stail na dispela i ken opim tingting bilong ol yangpela long sait long musik.

Sibut i tok Madang i gat planti ol gutpela saveman bilong pilai musik i stap olsem Demas Saul, Gedix Atege, John Trologen, Samuel Jabri, Luke na Ud Banag, Jacob Kawage, na ol narapela we i ken stap insait long program long skulim ol yuts aninit long program we Mista Duban i sapatim.

Em i tok Mista Duban i gat gutpela tingting long luksave long talents bilong ol yuts long musik, na kain helpim em i givim bai go longwe tru long developmen bilong ol yangpela manmeri long save long musik olsem rot long helpim ol.

EMTV Television Guide

FONDE APRIL 18, 2013

4:57 AM G AUSTRALIA NETWORK
5:00 AM G JOYCE MEYER
5:30 AM G EMTV NEWS REPLAY
6:00 AM G TODAY
9:00 AM MALOLO CLUB

RESOURCE PNG EP#67

8:00 PM G RESOURCE PNG EP#67
9:00 PM G SOKA XTRA
9:08 PM G HOT SPOT EP#10
9:30 PM G ELITE MUSIC ZONE EP#11

FRAIDE APRIL 19, 2013

4:57 AM G AUSTRALIA NETWORK
5:00 AM G JOYCE MEYER
5:30 AM G EMTV NEWS REPLAY
6:30 AM G TODAY
9:00 AM MALOLO CLUB

SARARE APRIL 20, 2013

4:57 AM G AUSTRALIA NETWORK
5:00 AM G JOYCE MEYER
5:30 AM G EMTV NEWS REPLAY
6:30 AM G TODAY
9:00 AM MALOLO CLUB

SANDE APRIL 21, 2013

4:57 AM G AUSTRALIA NETWORK
5:00 AM G JOYCE MEYER
5:30 AM G EMTV NEWS REPLAY
6:30 AM G TODAY
9:00 AM MALOLO CLUB

IT IS WRITTEN -

6:30 AM G IT IS WRITTEN - "Seeing Through God's Eyes"
7:00 AM G HILLSONG
7:30 AM G AUSTRALIA NETWORK
8:00 AM G YOGA SUTRA Ep#5

TORO



BIABIA



KANAGE



TOKWIN

Bom blo-ap taim bilong resis...

Long wanpela bikpela ples ol kolim Boston long Amerika i kism bagarap long ol teroris i pairapim wanpela bom long hap taim ol i mekim bikpela resis o maraton we ol arapela kantri i bung long dispela resis.. Taim ol resis manmeri i kam insait long ples bilong pinis i kam insait long dispela bom i pairapim...Planti i kism bagarap na wanpela liklik gel i dai. Ol i kism bagarap em ol femili na mameri husat i kam na sanap arere long amamasim

ol wan kantri husat i go insait long dispela resis.. Polis long hap i tok ol kism pinis dispela terosis na i stap long kalabus we bai ol i mekim moa painimaut long dispela teroris... Yumi tu mas trenim ol polis bilong yumi long putim was long teroris wok bikos 2015 bai bikpela gem i kamap long Pom Siti na kainkain manmeri bai kam pulap long siti.. Yumi no save, ol teroris ken kam long kainkain stail na kala we yumi no inap save... Liklik toksave long Minista bilong Spot, Justin Thackchenko...

Ol Bisnis haus hia long Mosbi mas lukaut...

Ol raskol i brukim Polis amori i soim stret sistem insait long polis i slek tumas..Ol i mekim isi tru long ol raskol i go insait na stilim ol hai pawa gan..Dispela ol gan i stap nau long ol han nogut we ol i ken bagarapim ol manmeri na stil long ol bikpela bisnis haus.. Hariap na ol i mas holim ol..Sutim dai husat i holim ol dispela gan...Sampela bai go long hailans na mekim bikpela bagarap long hap long taim bilong pait..Mekim wokpainimaut na kism husat i stap insait long polis i autim we ol dispela gan i stap.

Tokwin Tasol...

M	A	N	U	S	N	A	L	E	A	H	N	E	T	S	E	W	
Y	A	M	V	K	S	I	N	O	L	A	R	T	E	K	E	D	
E	R	A	E	A	M	E	L	A	R	T	N	E	S	P	C		
S	R	E	A	E	I	S	S	E	P	I	K	P	T	A	O	N	
N	S	B	V	N	C	L	Q	O	Z	R	N	E	V	Z	K	E	
U	N	O	W	R	B	I	A	R	W	F	I	D	G	L	S		
B	J	R	Q	T	S	U	F	N	H	Z	F	A	T	V	I	N	
R	B	O	G	E	N	V	I	L	C	O	H	S	I	D	B	A	
E	C	M	S	U	B	R	W	E	T	K	N	E	M	N	Y	L	
T	E	C	D	I	S	I	M	B	U	L	B	Z	R	U	F	I	
E	N	G	A	O	P	E	Z	E	S	N	F	V	E	A	C	A	
N	T	A	E	L	U	W	S	W	E	H	I	P	D	D	O	H	
S	W	B	P	E	I	D	A	L	V	Y	O	L	F	N	U	N	
W	E	S	N	U	B	R	E	T	E	N	I	J	A	P	A	N	E
B	E	I	V	X	N	M	C	P	O	Z	M	G	P	S	B	T	
T	N	M	S	W	A	I	O	B	N	C	V	P	P	T	C	S	
S	A	U	T	E	N	H	A	I	L	A	N	S	O	R	O	E	

Painim ol dispela provins bilong yumi:

MANUS	NU AILAN
IS NU BRITEN	WES NU BRITEN
BOGENVIL	MOROBE
MILEN BE	NCD
WESTEN	ORO
IS SEPIK	SANDAUN
MADANG	ENGA
SIMBU	GALP
SENTRAL	WESTEN HAILANS
ISTEN HAILANS	SALUTEN HAILANS

3		6	4		2			5
				3				1 6
		9		5 7				4
9		2			6 7 5			
8 7								6 9
		6 3 9					4	8
4			5 6			3		
6 9				2				
5			7		8 6			2

2	7	4	9	6	3	1	8	5
5	3	9	4	8	1	7	2	6
6	8	1	5	2	7	4	9	3
7	5	2	1	4	8	6	3	9
4	1	3	6	9	5	2	7	8
9	6	8	7	3	2	5	4	1
1	2	7	8	5	9	3	6	4
8	4	5	3	7	6	9	1	2
3	9	6	2	1	4	8	5	7

Ansa bilong las wik Sudoku

Ansa bilong las wik Pasol

A	I	R	N	I	U	G	I	N	I			K	A	G	O	A	
																R	I
P	S		S	I	A	L	E	T							I	R	
L	E											A				L	
E	A	K								K	N				S	I	
S		I		I						O					U	N	
B		P	N							I	P				T	E	
A	I		J							T					I	K	S
L	T			A				A		I					E	P	
U	I					K	N				K				S	N	
S	R					S	E				T	E			G		
U				D						T		E	T				
Y						N					K						
T	K	A												S	I	A	
I	E	L				P	A	I	L	O	T	I					M
S												B	A	L	U	S	A
I			J	I	U	S	E	A	H	O	S	T	E	S	F		

EMTV Television Guide

7:30 PM PGR **THE VOICE SEASON 2:Ep #8**
 9:00 PM PGR **60 MINUTES - EP#9**
 10:00 PM G **HILLSONG Rpt...**
 10:30 PM G **NATIONAL EMTV NEWS - Replay**
 11:00 PM G **AUSTRALIA NETWORK**

MANDE APRIL 15, 2013

4:57 AM G **AUSTRALIA NETWORK**
 5:00 AM G **JOYCE MEYER**
 5:30 AM G **EMTV NEWS REPLAY**
 6:00 AM G **TODAY**
 9:00 AM **MALOLO CLUB**
 SHREK THE THIRD
 MONSTER IN-LAW
 GOODWILL HUNTING

HOODWINKED
 3:30 PM G **KIDS KONA**
 3:30 PM SHARKY'S FRIENDS
 4:00PM EGGS - S2/EP#2
 4:30PM SLEEPOVER CLUB
 5:00 PM G **KITCHEN WHIZ**
 5:30 PM G **A FUNNIEST HOME VIDEO SHOW**
 5:57 PM G **CRIME STOPPERS**
 6:00 PM G **EMTV NATIONAL NEWS**
 7:00 PM G **DAVID IRELAND**
 -Land Of the Dreaming.
 8:00 PM G **TOP GEAR**
 - "Africa Special" Part 1.
 8:57 PM G **EMTV TOKSAVE**
 with Kevani Mado.
 9:00 PM G **COCA-COLA SPORTS SCENE EP#11**
 9:30 PM PGR **THE VOICE SEASON 2 - EP#6**
 11:00 PM G **EMTV NEWS REPLAY**

TUNDE APRIL 16, 2013

4:57 AM G **AUSTRALIA NETWORK**
 5:00 AM G **JOYCE MEYER**
 5:30 AM G **EMTV NEWS REPLAY**
 6:30 AM G **TODAY**
 9:00 AM **MALOLO CLUB**
 CARS (ANIMATION)
 RUN FATBOY RUN
 DAWN RIDER
 ALPHA AND OMEGA
 3:30 PM G **KIDS KONA**
 3:30 PM SHARKY'S FRIENDS
 4:00PM EGGS - S2/EP#3
 4:30PM SLEEPOVER CLUB
 5:00 PM G **KITCHEN WHIZ**
 5:30 PM G **FUNNIEST HOME VIDEO SHOW**
 6:00 PM G **EMTV NATIONAL NEWS**
 7:00 PM G **HAUS & HOME Ep#10**

8:00 PM G **BUSINESS PNG - Ep#13**
 8:30 PM PGR **NIKITA S1 EP# 14/22:**
The Next Seduction
 9:30 PM G **THE VOICE SEASON 2 - EP#7**
 11:00 PM G **EMTV NEWS REPLAY**

TRINDE APRIL 17, 2013

4:57 AM G **AUSTRALIA NETWORK**
 5:00 AM G **JOYCE MEYER**
 5:30 AM G **EMTV NEWS REPLAY**
 6:00 AM G **TODAY**
 9:00 AM **MALOLO CLUB**
 THE SMURFS
 MADEAS FAMILY REUNION
 THE 5TH QUARTER
 TANGLED
 3:30 PM G **KIDS KONA**
 3:30 PM SHARKY'S FRIENDS
 4:00PM EGGS - S2/EP#4
 4:30PM SLEEPOVER CLUB

5:00 PM G **TRICKY TV EP#1/23 - RE-RUN**
 5:30 PM G **FUNNIEST HOME VIDEO SHOW**
 5:57 PM G **CRIME STOPPERS**
 6:00 PM G **EMTV NATIONAL NEWS**
 7:00 PM PGR **FACT FILES: BUSH PILOTS #2/10**
 8:00 PM G **TOK PIKSA Ep#13- Repeat....**
 8:30 PM PGR **THE MENTALIST SEASON 1 EP#14/23 Crimson Casanova**
 9:30 PM G **EMTV NEWS REPLAY....**
 10:30 PM G **AUSTRALIA NETWORK**

Ol Progam na Kilok i ken tenis oltaim...



Tingting planti long God long prea

NEM: Joshua Malken
KRISMAS: 30 (Man)
ADRES: PO. Box 4132, Destiny F/Ship, Lae Morobe Provins
SAVE LAIKIM: Go Lotu, pilai musik, singsing na preisim God, ritim Baibel, harim gospol musik, mekim gaden na laikim wanpela lotu meri husat i save go lotu long stap wantaim oltaim.

NEM: Elijah Hombo
KRISMAS: 23 (Man)
ADRES: Nisol Elementary School, PO. Box 538, Lae 411, Morobe Provins
SAVE LAIKIM: Raitim leta, Pilai soka, Volibol, Harim musik, Ritim Niuspepa, Go Lotu, Tok pilai na mekim pren.

NEM: Danny Henz
KRISMAS: 38 (man)
ADRES: PO. Box 4731, Lae, Morobe Provins
SAVE LAIKIM: Pilai gita, Go Lotu, Pilai soka, wokim haus na gaden.

NEM: Stanford Jackson
KRISMAS: 18 (Man)
ADRES: Komnaik Stationary Ltd, PO. Box 182, Mendi, SHP
SAVE LAIKIM: Go Lotu, Watsim TV, Pilai ragbi tas, Tok pilai na stori wantaim ol lain.

NEM: Dulcie Ben Mandi
KRISMAS: 23 (Meri)
ADRES: M&S Tsang Cash & Carry, PO. Box 19, Madang, Madang Provins
SAVE LAIKIM: Ritim Baibel, Harim gospol musik, Pilai gita, Go Lotu, Serim tok bilong God na ol samting long ol arapela, Wasim klos na Klinim haus.

NEM: Mocksy Gudego
KRISMAS: 19 (Meri)
ADRES: C/- Joshua Sono, PO. Box 77, Kiunga, Westen Provins
SAVE LAIKIM: Pilai Musik, Harim musik na ritim buk.

NEM: Ivan Gudego
KRISMAS: 17 (Man)
ADRES: C/- Joshua Sono, PO. Box 77, Kiunga, Westen Provins
SAVE LAIKIM: Go Lotu, Harim musik na painim poro.

NEM: Peter Kul
KRISMAS: 22 (Man)
ADRES: St. Edward Ambang - C/- PO. Box 28, Banz, Jiwaka Provins
SAVE LAIKIM: Raitim leta, Ritim buk, Pilai gems, Tok pilai, Harim musik na watsim TV.

NEM: Junior B. Dii
KRISMAS: 31 (Man)
ADRES: College of Distance Education, PO. Box 2071, Yomba, Madang Provins
SAVE LAIKIM: Go danis, Harim musik, Watsim TV, Tok pilai, Kisim wara na go swim

NEM: Yakias James
KRISMAS: 18 (man)
ADRES: Annia Village C/- Kanabea, Catholic Mission, PO. Box 220, Kerema, Gulf Provins
SAVE LAIKIM: Ritim Niuspepa, Pilai musik, Pilai soka, volibol, basket bol, Harim Stori.

Dia Laipain,

SAMPELA taim mi save ting olsem God i no save bekim ol prea bilong mi. Mi save smuk, pilai laki, tasol nau mi stop taim mi kisim Jisas olsem Sevia bilong mi tripela yia i go pinis.

Mi bin bungim gelpren bilong mi long dispela taim na mi bin pre long em i ken kamap olsem patna bilong mi long bihain taim na stap amamas wantaim.

Tasol nau yet mi painim aut olsem, em i wok long prenim narapela mangki na stap wantaim em tupela mun nau.

Mi painim aut olsem mangki em i raun wantaim em i no laikim em, tasol meri i laikim em tumas. Dispela pasin em wokim i giamanim mi, oltaim mi ting mi tasol i wanpela mangki long laip bilong em tasol nogat!

Ol hauslain bilong mitupela i save long prensip bilong mitupela na ol lain bilong em i laikim mi tupela long marit, tasol mi no save long tingting bilong em nau.

Mi save stap feiftul o pas long em tasol na mi ting olsem em i laikim mi olsem na nau tingting bilong mi tupela long bai marit bihain i stap nating na wetim wanem samting bai kamap. Olsem na em i wokim dispela kain pasin long mi?

Olsem wanem na Bikpela i givim mi dispela pe na i larim prensip bilong mi tupela i bagarap long dispela kain samting? God i save bekim prea olsem?

DESPONDENT

Dia Pren,

Yu bin tok aut olsem yu wanpela trupela Kristen, tasol yu no i nap long save long pasin na we bilong God bikos long gelpren bilong yu i no soim trupela laikim long yu.

Mipela i sori tru long wanem hevi yu stap long en bikos long dispela yu ting olsem God i save ansarim ol prea. Orait yu tok olsem, long wanem samting stret yu prea long en an askim Bikpela o God we em i no bekim yu? Yu bin prea long em i bai protektim prensip bilong yu tupela o nogat?

God i save bekim ol prea tasol i no long we yumi save laikim long em.

Long sampela taim, God i save bekim prea hariap, sampela taim bihain, o sampela taim em i no save givim wanem samting yumi askim long em.

I gat as bilong dispela samting olsem wanem na God i mekim dispela long yumi taim yumi no laikim long i kamap, tasol i kamap long wanem samting yumi askim em long prea na laip bilong yumi.

Dispela em bikos God i save long yumi gut tru, (Rom 8:28) na long Hebrew 13:5b i tok olsem, "em bai i no nap lusim yumi o larim yumi stap nating."

God i laikim yumi tumas tasol em i no tokaut long yumi i no nap kisim pen taim yumi stap olsem kristen manmeri o long graun, ritim Isaiah 29:11. God i laikim yumi tumas na i givim wanem samting i gutpela bilong yumi.

Na ol salens em i givim i bilong strongim yumi.

I no long bagarapim yumi olsem tasol antap tok skul bilong Baibel long Rom 8:28 i tokim yumi long wok God i



mekim long gutpela bilong yumi. Yu ken lukim olsem sampela lain o kristen i save sutim tok long God o narapela long rong bilong ol.

Long wanem na ol pipol i save mekim olsem?

Pren dispela em i stap pinis long Baibel. Taim yu ritim olgeta taim dispela tok bilong God, em i ken helpim yu long wantaim Holi Spirit long save long we na pasin bilong em.

Taim yumi lukluk gen long wanem samting i kamap long gaden bilong Eden, olgeta dispela samting i kamap long giaman tok bilong satan tasol.

Long dispela hap Adam i blemim o sutim tok long God olsem, "dispela meri yu givim long mi i givim dispela pikinini diwai na mi kaikai, Jenesis 3:12 na 13. Olsem tasol Eve i blemim Satan"dispela snek i giamanim mi na mi kaikai."

Sapos yu go bek long Jenesis 1 long Kriesen, God i givim Adam na Eve olgeta samting na wanpela samting tasol em i tambuim tupela long noken kaikai em dispela diwai i givim save long wanem samting i gutpela na wanem samting i nogut, Jenesis 2:16/17.

Taim man i mekim sin o pekato, prensip bilong em wantaim God i bruk na God i salim em i go aut long Gaden ov Eden hap we samting i fri.

Em i tokaut long jasmen bikos long tupela i harim tok, Jenesis 3:14 na tupela i wokabaut wantaim hevi o wok hat long stap laip.

Long dispela pren Adam i brukim prensip bilong em wantaim God. Mipela i laikim yu long kisim mekim taim long ritim ol dispela skripta mipela i tokaut pinis long en long helpim yu long save long laip bilong yu olsem pikinini bilong God (John 1:12)

Pren i gat as God i ansarim ol prea sampela taim na taim we yu ting em i no save harim yu. Olgeta dispela, em i wok long lukluk long olgeta hevi yumi gat na em i wetim sapos givim laip bilong yumi long em long dispela graun wantaim prea na gutpela wok bilong em.

I gat planti skul tok i stap long Baibel we i toktok long prensip wantaim God, na prea em i wanpela bilong ol dispela impoten o bikpela samting long laip bilong ol kristen manmeri.

Painim taim long ritim stori bilong Job insait long olupela Testamen.

Em i wanpela fetful man bilong God, tasol em tu i kwestenim God na ol pren bilong em, meri bilong em na olgeta samting bilong em bagarap taim bikpela birua i kamap long wokabaut bilong em wantaim God.

Bihain long hevi em i bungim wantaim God na ol samting bilong i lus, dispela taim em i tok sori long God olsem em tasol i God na em i save long wanem samting i gutpela bilong mi na em i senisim pasin. Long dispela God i givim em ol samting bilong em moa long ol em i gat long bipo. Yu ken ritim stori bilong Job sapta 42 na i go moa olsem Joseph (Genesis sapta 37 i go

long 50) stori bilong Daniel long sapta 6, man husat ol i tromoim em i go insait long hol bilong laon bikos long feit na prea bilong em long God i Bikpela na long Nupela Testamen Jisas na ol disaipol bilong em. Olgeta i bungim ol salens bilong laip long wanpela na narapela tasol ol i no giv ap long feit bilong ol ol long bihainim Kraist Jisas i go i nap pinis bilong stori bilong ol.

God i save helpim yumi long luksave long bihain taim bilong yumi. Taim yumi abrusim ol hevi, pen na traim bilip na hop i kamap strong gen. Yumi soim pasin laikim na komitmen long bilip long tok tru bilong em.

Pren i gat wanpela tok i olsem "no pain, no gain," wanpela bilong ol Kristen man i save raitim stori Philip Yancey i rait long buk bilong em na, ("Where is God when it hurts") God i stap we taim i gat pen? God laikim yumi i mas laikim em, we ol rot yumi kisim i gat pen bikos yumi givim yumi yet long God i no bilong ol piling na wanem samting yumi kisim. Em i laikim yumi tingting long em na stap wantaim em oltaim maski yumi gat rait long blemim na giaman em.

I luk olsem gelpren bilong yu i no stap tru wantaim yu long we na pasin bilong em yet na yu mas wandel olsem em i no God i bagarapim prensip bilong yu wantaim em.

Gelpren bilong yu tasol i ken tokim yu olsem bilong wanem na em i mekim olsem na yu tu mas toktok gut tru wantaim em long wanem hevi yu stap long en.

Yu ting olsem dispela meri i olsem yu bin laikim long maritim o bai kamap meri bilong yu? I tru, God i soim pinis mipela long wanem samting long en.

Pren mipela i laikim yu long lukluk sapos yu ken kisim yet dispela meri olsem pren bilong yu. Sapos i olsem, orait em i mas soim olsem em i bin mekim rong long raun wantaim narapela mangki. Dispela bai i givim sampela gutpela tingting long pogivim em na helpim long save wanem samting em i bin mekim rong. Sapos yu tingting long lusim em, orait mipela tu laikim bai yu mas i pogivim em olsem wanpela kristen na larim em i go wantaim gutpela bilip.

Dispela pasin pogivnes o lusim tingting long rongi ken hilim o stretim ol hevi na wari we i ken bringim gutpela sindaun we bai promotim bilip bilong yu wantaim God long nupela level.

God i save harim prea na ansaim ol long wei na taim long wil na as tingting bilong em bilong gutpela bilong yumi.

Mipela tokim yu long tingting bilong kisim helpim na mipela i askim yu long go het long trustim God, Proverbs 3: 5,6 long wanem em i laikim yu tumas na i laikim bai yu ken gat gutpela laip na gutpela pren long laip bilong yu.

Pren bilong Laipain

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laipain



Praim Minista Peter O'Neill wantaim olgeta lain i makim sea holda bilong nupela mobail kampani, Vodafon BiMobail

Poto: Nicky Bernard

BiMobail Vodafon kampani kamap

Nupela wanbel kampani nau bai kisim nem Vodafon Bi-mobail.

IPBC, indipenden Pablik Bisinis Koporesen nau i kamap patna wantaim Fiji Nesenel Providen Fan (FNPF), long papaim ol sea bilong Bi-mobail Ltd taim tupela i sainim wanpela agrimen wantaim ol arapela sea holda bilong Bi-mobail Ltd long Tunde 16 Epril, 2013.

Dispela agrimen nau i putim moa samting i kamapim mani i kam insait long Bimobail na strongim wanbel wok wantaim Vodafon Fuki Ltd, bilong wanem nau dispela tupela kampani i kisim wanpela nem na menesmen. Dispela i lukim Vodafon i kam long PNG na Solomon Ailans.

Vodafon Fiji Ltd nau bai menesim Bimobail aninit long wanpela menesmen agrimen na em i givim rait long Bi-mobail i ken salim ol telepon i gat nem Vodafon long PNG na Solomon Ailans.

Wantaim dispela agrimen, IPBC i kisim 51 pesen moa sea bilong Bimobail Grup, Fiji Nesenel Providen Fan kisim 40 pesen na 9 pesen i go long ol arapela sea holda olsem, Esia Dvelopmen Beng (ADB) 0.99 pesen, PNG Sastenebel Dvelopmen Progrem na Nas-fan 0.42 pesen, Nambawan Supa 0.80 pesen, Jems PNG (GEMS PNG) 3.96 pesen, Stimsip 1.88 pesen, na Pasifik Rumana 0.53 pesen.

"Olsem siaman bilong Bi-Mobail, mi amamas tru long tokaut long dispela agrimen.

Bikpela hatwok i kamap long planti mun na mipela amamas tru olsem bai mipela nau lukim Bimobail i gat moa samting i kamapim mani insait long kampani na patnasip wantaim ol rait lain long Bimobail i ken resis wantaim ol kampani i gat wankain bisnis na em i ken win insait long PNG na Solomon Ailan wantaim," Syd Yates, Siaman bilong Bi-mobail i tok.

"Em bai givim sans long ol woklain bilong Bimobail long kisim moa trening na kisim moa save long kain lain olsem Vodafon," Em i tok moa.

Dispela wanbel wok em i nambawan taim bilong PNG na Fiji na em i kamapim strongpela wok bung wantaim long bisnis insait long tupela kantri wantaim.

IPBC bai putim 88.2 milien Amerika dola wantaim helpim bilong ANZ Beng na Fiji Nesenel Providen Fan bai putim 91.9 milien dola long strongim dispela wok wanbel.

Nesenel Eksektiv Kaunsel (NEC) i makim Vodafon Fiji long ronim nau dispela Bi-mobail Vodafon kampani long PNG na Solomon Ailans na i makim ol bot memba olsem: Andrew Johnson, siaman, Wasantha Kumarasiri na Paul Kombo, ol dairekta makim iPBC, Ajith Kodagoda na Jaoji Koroi ol dairekta makim FNPF na Vodafon Bi-mobail bot.

Ol narapela liklik sea holda i statim toktok pinis long makim ol dairekta bilong ol long bot bilong Vodafon Bi-mobail.



PUBLIC NOTICE

The Community Benefit Fund is maintained by the NGCB Board of Trustees in accordance with *Section 163 (6) of the Gaming Machine Act 2007*. The Community Benefit Fund over the years has been donating funds to groups and individuals through their proposal submissions to the Board.

As of the date of this notice, all recipients of projects funded are required to submit **Acquittal Reports** and should demonstrate that the funds were used for its intended purpose.

Acquittal reports must be submitted in full, with accounting of disbursement of funds, inclusive of invoices and receipts in marked envelopes and addressed to:

Acting Director
Community Benefit Fund
National Gaming Control Board
P.O. Box 759
WAIGANI
National Capital District

Authorized by
Imelda Agon
Acting Chief Executive Officer



KISIM SAVE: Ol sumatin bilong mani Besik Woksop i harim toktok bilong Wespac wokman Duncan Paska long we bilong yusim gut mani.

Westpac Benk laikim ol sumatin long sevim mani

WESTPAC Benk Fainensal literasi progrem i wok strong tru go insait long ol rurel skul wantaim i benk tim memba i go kamap long larowari Hai Skul long Sentral provins dispela wik, na givim skul tok long moa

long 400 sumatin, long rot bilong lukautim mani.

Heman bilong Ritel Benking long kantri, Adam Dowine, i tok Westpac i kamapim dispela progrem long halivim ol skul sumatin long sevim mani na givim

gutpela skul tok long benkim mani na yusim long gutpela rot long bihain taim.

Iarowari Hai Skul Deputi Hetmasta Michael Temoa i tok bikpela tenkyu long Westpac benk long kamap wantaim gutpela program

long halivim ol skul pikinini long sait bilong benkim na yusim mani long gutpela rot.

Narapela sinia tisa Micheal Kiage tok em gutpela long ol sumati ilainim rot bilong yusim gut mani

na tai mol kamap bikpela ol bai gat gutpela save long Yusim gut mani.

Narapela sumatin, Natasha Ruaba, i tok amamas long Westpac long gutpela progrem bilong ol. Em i tok i gutpela moa

long gat save long gutpela bilong benkim na yusim mani long nau yet, bilong wanem dispela tok bai helpim ol long lukautim gut mani we ol papamama i givim long ol i yusim long skul.

FLY NOW with GREAT DEALS from APNG

Port Moresby	↔	Cairns	K 329
Port Moresby	↔	Popondetta	K 199
Port Moresby	↔	Alotau	K 299
Port Moresby	↔	Mt.Hagen	K 299
Port Moresby	↔	Goroka	K 299
Wewak	↔	Mt.Hagen	K 199
Port Moresby	↔	Moro	K 299
Port Moresby	↔	Lae	K 249
Port Moresby	↔	Kokopo	K 399
Port Moresby	↔	Tufi	K 299
Port Moresby	↔	Misima	K 379
Port Moresby	↔	Losuia	K 349
Lae	↔	Kokopo	K 329
Lae	↔	Mt.Hagen	K 199
Lae	↔	Kimbe	K 299
Lae	↔	Cairns	K 549

Fares are one way and for travel between 22nd April and 22nd June 2013.
Sales period is 17th April to 30th April 2013. Terms and conditions apply.
Fares are booked in W Class. Seats are limited. 4 Days Advance Purchase conditions apply.

Call 16111 / 722 22151 or visit www.apng.com

Airlines PNG

PORT MORESBY - Level 1, Pacific Place, 321 3400
- Vision City, 737 34258

MT. HAGEN - Central Highlands Provinces, 542 8662
- Kagamaga Airport, 542 2732

LAE - Micro Bank Haus, Fifth Street, 479 5988
- Top Town (opp. Memorial Park), 629 7638

POPONDETTA - Panison White Street, 641 1388

ALOTAU - Airport, 532 2532

GOROKA - Airport, 640 9171

TABUBIL - Airport, 649 1125

KIUNGA - Global Travel, 422 0011

HADANG - Travel Line, 717 42306

KIMBE - Rabaul Hotel, 982 1999

COME FLY OUR WAY

Boroko Motors mekim promosen bilong K90,000 nupela Isuzu kar

Stanley Nondol i raitim

BOROKO Motors, i droim pinis nupela ISUZU D-MAX dabol keb we nau kamap pinis long kantri na wanpela kampani beis long Lae Morobe provins i kamap laki wina bilong nupela 4-wil draiv. Lae kampani Kete Tambana Trading em laki wina taim dro kampa aste long ai bilong wokman bilong Boroko Motos, polis na ol niusmanmeri long Pot Mosbi Het opis bilong Boroko Motos. Dispela kompetisen

bin stat long Jenewari 1 na bin pas long Mas 31 2013 long launsim nupela Isuzu na husait baim eni isuzu kar namel long Februari na Mas 31 go long kometisen. Kete Tambaba Trading bin baim wanpela Isuzu Kago kar long K112,000 long Lae Branch na nau kamap laki wina namel long 198-pela lain husat bin stap long dispela resis. Reginel Dilasip Menesa bilong Boroko Motos Mr. Geoff Evans taim tokout long wina bilong kompetisen tok olsem dispela nupela Isuzu 4 wil draiv em i

moa gutpela long ol rot insait long Papua Niugini. Mr. Evans tok ol saveman bilong kar imekim wok rese o painimout olsem dispela isuzu ken go long kainkain rot, gutpela, nogut, graunwel na tu maunten na busples.

Boroko Motos nau gat moa long 50 nupela isuzu stap long OL-GETA brens long kantri na prais bilong wanwan em K90, 000.

Mista Evans tok Boroko Motos i lukluk long givim gutpela sevis long kantri na bai splaim ol kualti kar long ol kastom



BSP strongim tok bilong groim bisnis

Neville Choi i raitim

BIHAIN long bikpela wok senisim nem na pes bilong en, Benk Saut Pasifik (BSP), nau i opim nupela promosen kempen bilong luk-save long groim ol bisnis bilong Papua Niugini.

Las wik, BSP i lonsim nupela maketing kempen bilong en.

Grup Sif Eksekutiv Opisa, Ian Clyne, i tok dispela nupela maketing kempen, em bilong soim strong bilong BSP long strongim ol kastoma bilong en, na pas strong wantaim ol inap groim ol bisnis bilong ol.

Dispela nupela kempen bai lukim ol nupela promosen advetismen i

soim sampela long ol longpela taim kastoma bilong ol.

Wanpela long ol em Sally Vuli, wanpela meri Fiji.

Sally em i bosim Blooming Flowers bisnis, na em i gat planti ol lain meri i save groim ol flawa na salim i go long en long salim i go aut long kantri long ol kastoma.

Sally i bin stori olsem planti ol wokmanmeri na growa bilong en i save laik yusim BSP, bikos em i wanpela benk we i save gutpela long ol liklik manmeri.

Em i tok planti long ol liklik manmeri i save laikim BSP, na long dispela as tasol, em i bin senisim benk bilong en i go long BSP.

Nau, em i wok long lukim bisnis bilong em i groa, na em i amamas tru long halivim BSP i givim em.



GROIM BISNIS: Sally Vuli, i givim stori bilong em, na halivim em i kisim long BSP. *Poto: Neville Choi*



MEKIM BISNIS WANTAIM: Praim Minista bilong Fiji Bainimarama i opim Fiji Tred na Invesmen Semina long Pot long Trinde dispela wik, em na Minista bilong Tred na Komes Indastri Richard Maru i bin raun lukim ol liklik stol insait long Gateway Hotel we ol Fiji i soim ol samting bilong ol, ol save mekim long Fiji. Dispela semina bai bai pas long Fonde dispela wik, Fiji na PNG bai wok bung wantaim long kamapim ol bisnis long tupela kantri wantaim. PNG nau i gat sampela bisnis long Fiji na bai traim long mekim sampela moa wankain long Fiji long kam long Papua Niugini.



Wantok

NIUSPEPA BILONG YUMI OL FNG STRET!

Subscribe for your WANTOK Niuspepa now!!

All you have to do is fill in the form below and arrange for payment and we will dispatch your copy of the **WANTOK** to you each week. We publish the **WANTOK** 52 times a year.

AIRMAIL SUBSCRIPTION RATES (includes postage & handling)
 PNG K220.00, Australia/New Zealand US\$110.00, Asia/Pacific US\$150.00
 Rest of the World US\$210.00

NCD HOME DELIVERY
 K0.80t per copy or K65.00 Home Delivery & K52.00 Office pickup subscriptions per copy each issue annually.

Please send me.....copy/copies of **WANTOK** for one year.

I enclose Kina/USD..... as full payment.

Name.....
 Postal Address.....
 City.....
 State/Province.....(abbreviation)
 Country..... Zip/Postal Code.....
 Street Address.....
 Telephone..... Fax.....
 Email.....
 Signed..... Date.....

Address: Subscriptions
 Word Publishing Company Ltd
 PO BOX 1982
 Boroko, NCD 111
 Papua New Guinea

Attn: Luke MEK (Circulation & Distribution)



GLASIM RAMU NiCo PROJEK



Wanpela Ramu NiCo, Wanpela Komuniti

Mineral Risos Ramu (MRM) Amamas Long Ramu NiCo Projek

OL BOD Dairektas bilong Mineral Risos Madang, wanpela han kampani aninit long Mineral Risos Developmen Koporesen (MRDC) insait long bikpela milien Kina Ramu NiCo Projek i amamas long gutpela wok prodaksen long namba wan nikel/kobalt projek long PNG.

Klaints na Edministresen General Menesa bilong MRDC, Imbi Tangune, hust i makim ol darekta i tok Projek i bungim planti salens, tasol em i gutpela tru long lukim olsem ol wok lain bilong Ramu NiCo i luk-save na painim aut ol salens ya na menesmen i gat strongpela tingting long abrusim ol dispela salens na mekim gut Projek i go kamap long ful prodaksen klostu taim.

MRDC i makim ol papagraun bilong ol bikpela projek eria insait long kantri i wanpela bikpela patna insait long Ramu NiCo Projek we i lukautim dispela 2.5 pesent ekuti mani bilong ol papagraun bilong Ramu NiCo.

"Mipela laik long save gut long Projek na lukim olsem mipela i ken kisim gutpela win-moni klostu taim."

"Ramu Projek em bebi bilong mipela, na mipela olgeta i mas lukautim gut dispela Projek na mipela i ken lukim gutpela kaikai bilong en," Mista Tangune i tok.

Mista Tagune i tok tu olsem olsem wanpela joint vensa patna long Projek, dispela BOD i laik save stret long Ramu NiCo Projek na ol hevi kampani i bungim na i painim ol rot long stretim wantaim olsem ol bisnis patna na ol stekholda na papagraun i ken benefit bihain.

Em i bin mekim dispela toktok bihain long wanpela sotpela lukluk raun wantaim ol MRM Bod. Ol dispela lain em Siaman bilong MRM na KBK LOA Siaman, Mathew Dengua na ol MRM dairektas em Lima Mullung, husat em siaman bilong Basamuk LOA, Peter Tai, siaman bilong Maigari LOA, na Steven Saud, siaman bilong Kostal Paipain LOA.

Kodineta bilong Ramu Projek long MRA, Carter Oiee, Teknikol Menesa bilong MRDC, Joe Tayman, Kini Renagi bilong MRDC, foma embesada bilong PNG i go long China na nau Seketeri bilong Maining, Max Ray i bin go wantaim ol MRM dairektas long Trinde, Epril 10 long mekim wanpela de lukluk raun long Basamuk Rifaineri.

Sif Opereting Ofisa bilong Ramu NiCo, Mista Gao Yongxue, namba

tu bilong em Mista Wang Baowen, Deputi Jeneral Menesa bilong Basamuk Rifaineri, Mista Wang Jun, Basamuk Sefti Menesa, Douglas Turner na Assurens Menesa bilong Basamuk Rifaineri, Mista Graham Gerrad na Trening Menesa, Mista Jeffers Heptol i bin stap long bungim ol lain delegesen ya long Basamuk.

Long taim Mista Gao i welkamim ol delegesen, em i toktok liklik long Projek na i toksave long ol lain long sampela ol teknikol salens na hevi kampani i painimaut long KBK main na long Basamuk Rifaineri long taim bilong komisining na dispela bai kos bikpela mani na taim long stretim.

Tasol em i givim gutpela toktok long ol Dairektas olsem Kampani bai wok strong long lukim Projek i kamap orait na stretim olgeta hevi na salens na long wan kain taim tu trenim ol wok lain bilong en long lukim olsem Projek i go kamap long ful prodaksen long ol yia i kam.

"Long nau yet mipela i kamapim prodaksen mak em daunbilo long 30% long disain mak bikos ol salens we mipela i no redi long en i kamap na mipela i wok hat long stretim," Mista Gao i tok.

Bihain long sefti presentesen em Mista Heptol i bin mekim, ol lain delegesen i kisim ol i go lukluk raun long Basamuk Rifaineri eria na lukim ol bikpela eria blong wok olsem Sentral Kontrol Rum, Hai Presa Lisching Plent (HPAL) nupela esid plent, prodaksen na peking eria na ol arapela seksen.

Mista Baowen, husat em asisten bilong Sif Opereting Ofisa bihain i givim toktok na i bekim sampela askim i kam long ol lain delegesen long sait long prodaksen, prodak bilong eksport, komuniti developmen na ol arapela.

Bihain long Madang, ol Bod memba i bung wantaim Dairekta na Eksekutiv Vais Presiden bilong Ramu NiCo, Mis Gu Yuxiang we em i givim ol Projek Fainensol Model were i karamapim hamas mani Projek i ken bringim, hamas em i bai yusim, ol royalty na ol arapela fainensol model.

Long makim maus bilong BOD, Mista Tagune i tok ol siaman bilong LOA i lukluk raun long Basamuk Rifaineri olsem MRM bod memba na patnas long Ramu NiCo Projek long save gut long wok i kamap na sapotim Projek wantaim.

Mista Tagune i tok tenkyu tu long menesmen long givim ol tok-orait

long lukluk raun long Basamuk Rifaineri na givim ol ripot bilong Projek.

Dispela \$US 1.6 billion Ramu NiCo Projek i bin stat konstraksen long 2008, wok konstraksen i pinis long 2010 we komisin i stat i kam inap yia 2012 Dec 6 we i lukim prodaksen i kamap stret.

Mr Tagune na Mr Tayman bilong MRDC i toktok wantaim ol Ramu NiCo wokman insait long Sentrol Kontrol Rum.



Ol lain delegesen i sanap klostu long HPAL Tern long Basamuk.

Ol BOD Members bilong MRM, Mista Denguo, Mr Tai, Mr Tayman, Mr Tagune na Mr Saud. Lima Mullung bilong Basamuk LOA i no stap insait long piksa.



Wanpla wok man bilong Ramu NiCo is soim Rifaineri eria long Mr Tagune bilong MRDC.



salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biling i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

Wanpela Ramu NiCo, Wanpela Komuniti

RAMU NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikol wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta



Raikos ples lain stap wantaim pret long maunten wara solap

James Kila raitim

OL VILES na hauslain arere long ol bikpela riva insait long Raikos distrik long Madang provins i stap wantaim pret nau bikos i gat ol bikpela net-sural dem o raun-wara i bung antap long bikpela Finistia maunten rens.

Ol i pret bikos ren i wok long pundaun yet antap long Finistia rens, na nogut ol dispela dem solap i go na bruk na salim bikpela tait-wara i kamdaun na bagarapim ples bilong ol na tu kilim ol pipel. Sapos kain hevi ya i kamap long nait taim, em bai bringim bikpela bagarap tru na planti laip i ken lus.

Dispela ol raun-wara i kamap bihain long graun i bruk na pasin wara long ron, na wara i solap antap long maunten i stap yet.

Wanpela komyuniti lida bilong Yalau blok klostu long ples Mingming long Astrolabe Be LLG, Imoro Bou i tok pipel i pret bikos i gat ol dem o ples graun i brukim na wara i solap i stap antap

long maunten.

Em i tok dispela hevi i bin kamap long mun Febuari tasol we i lukim bikpela Gawar riva i tait na bagarapim ol ples na tu hapsait bilong en i ron i go daun na kamautim Surinam bris na givim hevi long Madang-Ramu Haiwe na ron bilong ol trenspot long Madang i bungim hat taim stret.

Bou wantaim ol lain bilong en long Yalau na ol viles arere long Gawar riva i bin bungim bikpela taim long mun Febuari taim wara i tait na ron kamdaun na bagarapim gaden kaikai na kes-krop na tu rausim haus pik na kakaruk bilong sampela lain. Dispela i kos moa long planti tausen Kina.

Em i tok long nau yet ol i no kisim wanpela helpim yet i kam long Gavman, maski olsem Madang provinsal disasta opis i salim ol wokman i go long eria bilong ol na kisim ripot pinis.

Bou i tok ol pipel i bin tokim ol lain long disasta ofis pinis olsem ol i save olsem i gat graun i brukim na blokim ron bilong wara antap long

maunten na taim wara ya i solap i go em i ken bruk long em yet na salim bikpela tait-wara i kamdaun na i ken bagarapim planti samting.

“Mipela i laikim gavman i mas salim ol PNG Difens Fos long go antap long maunten yusim helikopta na sekim ol eria na yusim dainamat long brukim ol dispela dem.

“Tasol pastaim long en, ol i mas toksave long ol pipel husat i stap arere long wanem bikpela wara ol i laik mekim long muv i go longwe long riva pastaim,” Bou i tok.

Sampela pipel i tok tu olsem i mas gat wanpela imejensi ivakuesin ekasesais we ol pipel i mas mekim long redim ol yet taim dispela kain birua i laik kamap.

Ol pipel husat i stap arere long ol bikpela riva long Raikos i laikim Madang provinsal gavman long wokim samting stret na kisim PNG Difens Fos long mekim dispela wok long raunim ol dem o wara i solap na bung i stap antap long maunten bilong Finistia rens.



KILIM GADEN: Ol bikpela ston na graun karamapim wanpela bikpela kakao gaden arere long Gawar riva. *Poto: James Kila*



MAMA STON: Imoro Bou (wantaim bilum) i soim ol bikpela ston bilong maunten we tait wara i kam i go daun. *Poto: James Kila*

Ramu NiCo i bringim lait long Bundi eria

Mathew Yakai i raitim

WANPELA yangpela meri bilong Bundi Lokel Level Gava-man (LLG) insait long Madang provins i gat bikpela amamas tru bilong wanem, laip bilong em na ol narapela meri long Bundi nau i no hat tumas olsem bipo taim Ramu NiCo Projek i bin kamap long ples bilong em long dikim nikel.

Angela em i bilong wanpela bikpela klen o wanpisin insait long Kurumbukari (KBK) we nikel main i stap antap long em ol i kolim Kro-ngu Pagazi.

Maski ol man tasol insait long klen bilong em bai go pas long ol kainkain benefit o gutpela samting ol bai kisim, na toktok bilong graun, wankain olsem long ol narapela main eria, Angela i amamas tru olsem Ramu NiCo i karim planti gutpela samting we bai helpim laip na sindaun bilong ol i kam insait long asples bilong em stret.

Angela i bin pinisim Gret 10 long Tusbab Sekonderi insait long Madang, tasol no bin painim wok inap Ramu NiCo i bin givim wok long em long Sep 4, 2012 olsem wanpela edministresin klak na nau em i wok long KBK main kem.

“Mi wok hat stret bilong wanem displea em sans long lainim planti samting, kisim



SANS LONG WOK:

Angela Kurame i amamas long gat sans long wok bikos long Ramu Nico Projek.

Poto: Mathew Yakai

liklik potnait mani long sapoti famili na bihain mi ken wokim wok bilong me yet na sanap long strong bilong mi yet,”

“Bipo mipela nogat kain sans olsem ya. Mipela i bin stap insait long bikbus, nogat nois bilong kar na sevis,” yangpela Angela i tok.

Angela i tok stret olsem insait long Bundi eria, i gat ol planti hevi olsem wari na hevi bilong ol meri na ol lapun tasol gavaman i nonap stretim so em i askim ol meri na mama yet long wok hat na stretim ol yet taim dispela sans i kam wantaim Ramu NiCo.

Dispela em i driman tu bilong Angela long bihain taim em i laik helpim ol meri long asples, yangpela mama na ol yut long bai ol i ken lukautim ol yet na kirapim gutpela tingting long senis wantaim ol gutpela na nupela senis insait long kantri na wol tu.


Angela em i wanpela bilong ol laki meri Bundi i wok long KBK main bilong wanem nogat planti meri i gat save na wankain sans long wok. Em i gat bikpela hangere na bilip long kamapim bisnis bilong em yet wanpela taim na helivim ol turangu meri na ol yut long Bundi bihain taim.

Em i toktok wantaim bel sori olsem bipo bin nogat rot na bris na ol lapun, pikinini na mama husat i save sik i bin dai na nogat gutpla skul tasol nau dispela i bin senis stat long 2006 taim Ramu NiCo i bin kam kamap.

“Tude mipela i gat skul, haus sik na mani long baim kaikai na gutpela klos. Nau i no taim bilong les na komplem,” em i tok.

Long wankain taim, Angela i salensim ol Lenona Asosiesin na ol lida wantaim papagraun bilong KBK long yusim het, save na wisdom bilong ol long wok bung wantaim Ramu NiCo long kamapim ol gutpela projek we i ken bringim gutpela senis i kam insait long ol lain bilong Bundi.

Spaida i gat strong



Deki i soim handel bilong ambrela i pas i stap namel long haus bilong spaida arere long rot long Tabubil taun.

Spaida em i wanpela liklik binatang nating.

Haus bilong ol i no strong tumas na bai bruk wantu long taim yu tromoi ol hevi samting long en.

Long sampela ples long PNG, i gat ol spaida i save wokim strongpela haus tru na ol pipel i yusim tret bilong en long wokim trep bilong pis.

Bai yu kirap nogut long lukim ol kain strongpela haus bilong spaida arere long rot long Tabubil taun. Namba wan taim yu lukim wanpela, bai yu no inap bilip.

Spaida i sanapim gut tru bikpela haus namel long han bilong ol diwai.

Mama spaida wantaim ol liklik spaida i slip isi i stap wantaim wanpela handel bilong ambrela.


Sampela lain i tromoi handel ya long traim strong bilong haus, tasol em i no bruk.

Blupela handel i pas i stap namel long haus bilong spaida.

Ating ol local turis bai kirap nogut long lukim kain samting olsem na painim kamera hariap long kisim poto.

Tasol ol lain bilong dispela taun yet bai i no inap bisi tumas bikos ai bilong ol i mas pen pinis long lukim kain samting olsem oltaim.

Pait bilong strong na save



ORAIT, dispela wik bai yumi lusim Muai Tai (Muay Thai) long Tailan (Thailand) na brukim solwara i go long Siapan (Japan).

Long hia bai yumi lukluk long stori bilong narapela kain stail bilong pait we i kamap wanpela bikpela pait resis long tete.

Siapan em i asples bilong masol at (martial art) stail ol i kolim Karate, tasol yumi bai no inap lukluk long Karate bilong wanem yumi toktok long en pinis long las yia.

Ating yu mas askim, "Na long wanem na yumi kam long Siapan?"

Noken wari, bai mi tokim yu nau.

Yumi kam long hia long lukim wanpela kain resis bilong pait we i kam aut long Karate.

Mi laik stori long en dispela wik bilong wanem las wiken tasol PNG Karate Federation (PNGKF) i holim namba 6 Open Karate taitol bilong ol long Mosbi we 19 klap i kam long 10-pela provins insait long kantri long resis long en.

Namel long ol tu em Stone's Taekwondo na Shaolin Kung Fu bilong NCD.

Dispela stail pait em ol i kolim Ful Kontek Kumite (Full Contact Kumite).

"Full Contact" i min olsem ol i no save werim wanpela karamap long han, lek na het bilong ol olsem long boksing na ol arapela pait resis, na "Kumite" em tok ples siapan we i min olsem "pait."

Olsem na Ful kontek kumite em i resis we ol paitman i save pait tasol i no save werim wanpela karamap long skin bilong ol, bun, skin na kolos bilong ol tasol i save pairap taim ol i mekim save i stap.

Histri bilong gem

Ful kontek pait em i no nupela samting long Karate na planti arapela masol ats tasol long bipo, ol pait man i save pait inap wanpela i pundaun o i dai.

Long tete, ol i save bihainim ol loa bilong pait na poin i save go long man o meri husat i pait gut na strong.

Wanwan Karate stail i save gat liklik senis long wanwan loa bilong ol long pait tasol astingting bilong olgeta em i wankain tasol.

Wanpela Karate stail we i save holim strong tru pasin bilong ful kontek pait em Kyokushin Karate we olgeta sumatin bilong ol i save trening na skul gut tru long en.

Ful kontek Karate i stat long Siapan na bihain long Amerika we em i go bikpela tru.

Hap han bilong ful kontek tu i bin go na kamapim kikboksing long 1980's.

Loa na stail bilong pait

Bipo long yu stap insait long wanpela ful kontek pait, yu mas trening gut long strong bodi na tingting bilong yu.

Yu mas lainim gut pait stail bilong yu bilong wanem ol bai givim poin tu long gutpela stail pait bilong yu.

Ol jas i laik lukim gut pait bilong yu bai ol i ken givim point aim han o lek bilong yu i pas gut long bodi bilong birua bilong yu.

Insait long ful kontek, yu ken werim tupela karamap tasol, wanpela em long maus o tit bilong yu na narapela em namel long tupela sangana bilong yu.

Taim yu pait, han bilong yu i noken pait het o pes bilong birua bilong yu tasol yu ken kisim het bilong em wantaim lek bilong yu.

Yu noken paitim em taim em i givim bak-sait long yu o taim em i pundaun na silip long graun.

Sampela ful kontek loa i tok orait long yu kikim insait na outsait wantaim bilong sangana na sampela i tok orait long yu kikim outsait bilong sangana tasol.

Long wankain taim, planti tok orait long yu givim skru long birua bilong yu na sampela i save tambu long dispela.

Sampela ful kontek karate i save kamap insait long ring olsem long boksing na kikboksing tasol planti save kamap long wanpela spes long plua (floor) we ol sapota na ol jas i save sindaun raunim na lukluk.

Em i wanpela stail pait we planti ol sinia paitman na meri tasol i save resis long en bilong wanem ol junia pait manmeri ken kisim bikpela bagarap long en sapos ol i no save gut.

Astingting bilong ful kontek em bilong lukim save na strong bilong ol paitman na meri insait long wanwan masol at bilong ol na i save soim wankain respek long olgeta.

Ful Kontek long PNG

Ful kontek pait i no nupela long PNG, planti ol paitman na meri bilong yumi stap insait long dispela resis pinis na i soim bikpela laik tu long ol sapota bilong masol ats.

Las wik, PNGKF i holim namba 6 open taitol bilong ol we i lukim ol pait man meri bilong olgeta hap long kantri kam bung long Mosbi long dispela resis.

Mi bin go long dispela tonamen na mi lukim sampela gutpela ful kontek pait i kamap.

Em i gutpela sans bilong ol paitman tu long traim save bilong ol long wanem rot ol bai yusim long tromoi ol han na lek bilong ol taim ol i stap insait long wanpela pait.

Tingting bilong ol bai op na skulim ol long wok hariap na tu lainim bodi bilong ol long save long pen bilong pait em i olsem wanem.

Sampela ol pait man bilong PNG husat i kam aut long ful kontek karate em Walter Schnaubelt, Bernard Soari, Paul Pautani (husat i dai pinis), Gabbie Yura, Nelson na Andrew Stone na planti ol arapela.

Em i wanpela spot we i save pulim planti manmeri na tu i save bungim gut ol masol ats paitman meri wantaim.

Insait long ring ol i save pait olsem birau tasol bihain long pait, ol i save bung na luk-save long ol yet.

Em i save skulim ol tu long pasin bilong lukautim belhat na kros bilong ol na tu pasin bilong harim tok.

Ol samting ol i lainim tu i save strongim bodi na tingting bilong ol na i save helpim ol tu long laip.

I no yumi olgeta i ken pait long ful kontek karate tasol em i gutpela long yumi ken lainim o traim wanpela hap tok i kam long ol we i ken hlpim long lukautim yumi tu.



MEKIM SAVE: Tupela junia paitman i pait insait long Juia ful kontek pait resis bilong Kyokushin long Mosbi long 2008.



STRONGPLA: Wanpela paitman i traim long pasim kik bilong narapela long Junia ful kontek pait resis bilong Kyokushin Karate long Mosbi long 2008.



LUKAUT: Long poin kumite olsem long dispela piksa, ol paitman i save werim karamap long han na lek bilong ol na i no save tromoi han na kik strong tumas olsem long ful kontek. POTO: PNG Karate Federation



TROMOI LEK: Tupela paitman i mekim save long wanpela intanesel gem.

Soward sainim NRL dil wantaim Panthers

PENRITH Panther i tokaut long dil bilong ol long kisim St George Illawarra namba 6 Jamie Soward, long joinim ol long foa-pela yia ol stat long yia i kam.

Dispela dil bai kisim dispela 28 yia man, foma NSW i go inap long 2017 wantaim Panthers.

Soward i bin pilai 134 gems wantaim St George Dragons bihain long em muv long Sydney Rooster long 2007 na em wanpela long top point skoa man.

Fom bilong em long 2011 bin kisim em go insait long Stet ov Orijin we em bin pilai olgeta tripela gem bi-

long long Blues na em tu bin kisim kik long dispela taim.

"Jamie Soward i sain long Panthers klab, em gat talen long pilai, na em stap antap long level bilong gem na tu em gat bikpela ekspriens na gutpela lidasip kwalati," Jenerel Meneja bi-

long Panthers Phil Gould i tok.

Jemie em wanpela rol model bilong ol yut long westen Sydney na dispela popula bilong em i mekim em kamap embeseda long klab bilong komuniti na junia lig program.

Bennett tok Kiwis bai orait

Shaun Johnson bai wanpela ki pilai bilong ol Kiwis long Fraide nait trans Tasman tes, foma nesanel kosa Wayne Bennett i tok Nu Silan bai pilai strong long wanem wol kap i kam klostu.

Kiwis bai go insait long pilai olsem wanpela autsait tim wantaim ol sta pilai bilong Australia, tasol Bennett i tok ol no inap pilai nating tasol ol bai traim long strongim dispela pilai bilong holim bek taitol bilong long England.

Bennett i tok Australia save gat stet ov Orejin olgeta yia long kamapim tim bilong ol na dispela save mekim Australia strong.

Ol bai go insait long kemp na tingting pinis long pilai olsem ol redi long tripela yia pinis, na yu lukim ol Kiwis,

kosa bilong ol Steven Kearney save bungim ol long faiv-pela de tasol na salim ol go pilai wantaim Australia we ol save pilai wantaim olgeta yia.

Australia gat planti sans long win long wanem ol gat olgeta gutpela pilai long fran i go long bek lain.

Foma Australia kepten Darren Lockyer i tok ol Australia olgeta taim save laik long win taim ol kisim ol Kiwis. Em save lukluk olsem bipo long tes o pilai kamap.

Taim Australia bin kisim Kiwis long Townville, ol Kiwis bin givim gutpela pilai na mekim ol Australia bin guria long we ol Kiwis bin pilai.

Ol Nu Silan gat tredisen long pilai na dispela em Bennett tasol save ol ken mekim o nogat taim ol stap long pilai graun.

Slater nogat sans long bungim Souths



STA fulbek bilong Melbourne Billy Slater i no save em bai inap pilai agensim South Sydney long Sarere nait o nogat.

Kosa bilong Melbourne Craig Bellamy tokaut olsem Slater i kisim liklik bagarap long lek bilong em taim ol pilai wantaim West Tigers long Mande nait.

Sapos Slater i misim dispela pilai agensim Rabbitoha long ANZ Stadium, dispela bai bikpela hevi long long bek lain bilong dispela primia tim husat i no lusim wanpela gem bilong dispela yia kompetisen.

"Em putim dispela su na em gat hevi long lek bilong," Kosa Bellamy i tok.

"Mipela i no save sapos em bikpela problem o liklik, bai mipela wet na lukim sapos em ken tren long Friday nau bai mipela save," Bellamy i tok gen.

Em mekim mipela tingting planti long dispela taim tasol sapos em gat sans long stap long tim em bai pilai yet.

Storms na Rabbitohs tupela tim wantaim i winim 5-pela gem bilong pinis na dispela pilai bai soim husat bai go pas long tebol bilong NRL.

TEST MATCH

Fraide: Epril 19, 2013



Canberra Stadium



Vs

COUNTRY vs CITY ORIGIN

Sande: Epril 21, 2013

Coffs Harbour Country Vs City

Raun 6 Poin Leda

Pos	Tim	W	L	Pts
1.	Storm	6	0	12
2.	Sea Eagles	5	2	10
3.	Rabbitohs	5	2	10
4.	Roosters	4	2	8
5.	Knights	4	2	8
6.	Titans	3	3	6
7.	Broncos	3	3	6
8.	Dragons	3	3	6
9.	Raiders	3	3	6
10.	Sharks	2	4	4
11.	Cowboys	2	4	4
12.	Eels	2	4	4
13.	West Tigers	2	4	4
14.	Panthers	1	5	2
15.	Warriors	1	5	2
16.	Bulldogs	1	5	2



FM100
PNC's Information & Music Leader

FRIDAY 19 APRIL



Vs



7.45 PM

CANBERRA STADIUM

SUNDAY 21 APRIL

CITY

Vs

COUNTRY

3.00 PM

BCU INTERNATIONAL STADIUM
COFFS HARBOUR

LIVE GAME CALLS


ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TASUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MAROHAM 100.5	MT. KAINGUMA 107.1	PALMALMAL 100.8	TARI 100.5	WAU/SULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

Ol Spot Eksen poto long wiken...



Ol Poto Nicky Bernard.

Pilaia Bilong Sauten wantaim bal i ron we long pilaia bilong NGI, Momase na Hailans long bung bilong bilong Aussie rul long Australia wik long Amini pak.



Eda Ranu Dobo pilai i traim long daunim pilaia bilong Paga Pentas long resis bilong Pot Mosbi ragbi lig.

KETSIM MI: Pilaia bilong Bears i ron long namba wan best aim pilaia bilong Wolves traim long ketsim bal na autim em long laspela raun pilai bilong ol meri sofbol long Mosbi. Bears i winim dispela pilai.



Spot Minista Justin Tkatchenko i kik ov long Digicel kap 2013.



Tim Wolves

- Weekend Sports Draws -

Round 12 Draw: Telikom - NSL

20/4/2013	3:00PM	Eastern Stars FC	Vs	Hekari Utd FC	SIG	POM
20/4/2013	3:00PM	WNB Tavor FC	Vs	NC Civil Oro FC	KIMBE	WNB
20/4/2013	3:00PM	Besta PNG Utd FC	Vs	Gigira Laitapo Morobe FC	IKS	LAE
20/4/2013	1:00PM	FC Pom	Vs	Welgris FC	SIG	POM

TOKSAVE: Salim ol spots dro bilong yu kam long Feks; 325 2579, e-mel; bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.

Madgauns em sempion bilong Lae Trans Haiwe 7s

James Kila i raitim

PAWA ragbi tim bilong Madang, Madgaun i soim tru pawa bilong en long daunim PNG Sevens sempion tim Pasifik MMI Kimbe Rebels 17-5 long gren fainol bilong Lae Trens Haiwe long SCRUM oval long Lae las wiken.

Planti lain i no ting olsem ol stail mangi bilong 'Bilak Bokis' taun Madang bai win, tasol Madgauns i soim trupla kala bilong ol na banisim na kilim

indai paia bilong bilong "Pasin Wes" Kimbe Rebels long winim Sevens taitol.

Madgauns i no gat ol intanesenel pilaia wankain olsem Kimbe Rebels, tasol ol i opim stret ai bilong ol nesenel selekta long tonamen ya olsem Madang em senta we i ken kamapim planti ol gutpela pilaia long makim PNG long intanesenel sevens tonamen.

Dispela bikpela Lae Trans Haiwe Sevens tonamen i lukim ol tim i kam long Kimbe, Rabaul, Lae, Goroka, Mt Hagen na Sauten Hailans.

Pastaim PNG 400-mita rana, Geoffrey Bai i go pas wantaim gutpela pilai bilong Madgauns na i daunim stret strong bilong lain Rebels na i no givim sans long ol. Bai i kisim sapot i kam long Toby Toalli, Samuel Waulas, Donald Kais na Anthanius Igag.

Ol dispela pilaia bilong Madgauns i givim bikpela hetpen tru long ol lain bilong Kimbe, na i banisim ol gut stret long skoa.

Insait long ol pul gem bilong em Madgauns i bin kilim indai paia bilong Sappers tim bilong

Lae wantaim 32-0 skoa. Long namba tu gem ol i lus long tupela poin tasol egens Lae Harlequins 12-14. Long namba tri gem bilong ol, ol bagaros bilong Madang i kilim indai gen paia bilong narapela Lae tim Lae Pirates wantaim 26-0 skoa.

Dispela Madgauns tim bilong Madang em wanpela tim we i ken soim tru kala bilong en long nesenel level na ol lain selektas bilong ol bikpela senta olsem Mosbi na Lae i mas tingting nau long glasim ol pilaia bilong Madang.

Skelim mani long moabeta rot bilong yusim

OLGETA kona bilong kantri nau i kamap rot bilong ol spots tonamen long kamap insait long ol komyuniti, tasol ol i save kisim sponsasip halivim long ol politisen o bisnis.

Mi nogat belhevi long dispela, tasol mi luksave pinis olsem gutpela, longpela taim sindaun bilong spots na ol gutpela bilong en, i no stap. Ol dispela samting i ken samting olsem ol teknikal developmen progrem olsem wok kosa, refri, spots administresen, na spots marasin.

Taim ol tonamen i kamap, em i kamap wanpela taim tasol. Em bai no inap kamap gen, inap wanpela yia bihain. Long wankain taim, olgeta tim is tap insait long kompetisen i save go bek nating. Olsem wanem bai ol tim i ken kisim sampela gutpela samting long ol sponsa. Na i no mani tasol?

Mi save olsem ol sponsa bai laik lukim bekim bilong manimak ol i givim. Ol i laikim bai ol sapota i bihainim gut ol pilai long givim gutnem long ol. Ol sponsa i laikim bai nem bilong kampani bilong ol, na ol prodak bilong ol i kamap klisa. Dispela em i pasin bilong wanem kain sapot yu kisim long ol bisnis.

Tasol i mobeta sapos ol sponsa tude i luksave tu long strong bilong ol progrem olsem ol teknikal developmen progrem na ol longpela taim gutpela bilong ol.

Ol pipel husat i kisim wok long lukautim kain ol spot pilai olsem, i mas tokaut klia long progrem, bai ol i ken mekim ol teknikal developmen progrem tu. Ating bai wan wik i gutpela long ol teknikal developmen progrem, na bihain, ol i ken go het wantaim tonamen.

Dispela bai givim gutpela save long ol lain i go pas long spots long redim gut ol tim long pilai long tonamen. I gat planti samting ol i ken lainim long ol teknikal developmen progrem.

Ol tonamen bai ron stret. Ol kosa bai inap long redim gut ol tim bilong ol pastaim long ol i go long ol tonamen, ol tim menesa bai lukautim gut tim bilong ol long taim tonamen i ron, na ol refri i bosim ol pilai bai gat inap save long strongim ol loa bilong spot.

Gutpela longpela taim sindaun em ol patispin i laikim bikos em bai strongim ol long kontribut long developmen bilong komyuniti. Taim ol i yusim save ol i kisim long ol dispela trening, bai ol i mekim wok gut. Komyuniti bai kisim gutpela bilong ol dispela teknikal progrem. I no komyuniti tasol bai kisim gutpela bilong en, tasol ol sponsa yet bai kisim bek manimak bilong ol long promosen na gutnem. Dispela bai strongim ol sponsa long go het long sapotim yet dispela ol spot pilai, bikos ol i kamap na ron gut.

I kam inap nau, planti ol tonamen long kantri i wok long pundaun bikos ol i nogat inap savemanmeri na ogenaisa, olsem na ol i no inap mekim samting gut. Em nau, ol sponsa i save tok nogat long givim sapot. Moa yet, ol komyuniti bai sindaun nogut, we ol i nogat moa benefit, na ol i ken lukluk long ol arapela pasin nogut long mekim insait long komyuniti.

Ol ogenaisa i mas sindaun wantaim ol sponsa na ol wanwan manmeri husat i save givim sapot, na tok klia long ol long ol gutpela bilong bihain taim long mekim kain progrem olsem, pastaim long spot resis i kirap. Strongim ol teknikal manmeri bai longpela rot long bringim ol longpela taim gutpela sindaun long komyuniti.



Bisini soka graun lukautim NSL

Nicky Bernard i raitim

TELIKOM Nesenel Soka Lig bai mov go long Bisini soka graun long dispela wiken bihain long wiken i go pinis i nogat pilai long Pot Mosbi.

NSL save holim olgeta pilai bilong ol long Se John Gais Stadium tasol dispela i no bin

kamap bihain long sampela liklik hevi kam long Stadium.

Olgeta pilai we sapos long kamap long wik i go pinis bin stap long stop taim ol opisa bilong NSL na Spot Komisin bin bung long stretim dispela hevi.

Ol pilai long ol narapela senta bin go het yet olsem long Lae na Kimbe, ol pilai tasol long Mosbi bin stap long

stop wantaim ol was aut gems.

Long dispela wiken nau Bisini bai kam laip taim ol pilai bilong NSL bai mov go long hap bihain long wanpela wiken ov.

Pot Mosbi Ragbi Lig we bipo save holim ol NSL pilai i gat planti resis long dispela yia na tu Digicel kap resis i kik ov pinis long wiken i go pinis.

Long dispela wiken tupela pilai bai kamap long Pot Mosbi we lsten Sta bai kisim Hekari, dispela em wanpela bilong was aut gem bilong ol na FC Pom bai kisim Welgris FC.

Long narapela senta, WNB Tavor bai kisim NC Civil Oro long Kimbe na Besta PNG bai kisim Gilira Laitepo FC long Lae.

Nupela talen kam aut long Karate

PNG Open Karate bin kam long wiken go pinis, dispela em bai namba 6 Karate Open we bin kamap long Pot Mosbi.

Ten-pela provins bin kam long dispela tonamen wantaim 19-pela klab olgeta. Dispela resis bin kisim 3-pela de wantaim planti nupela rekot kam.

Planti long ol liklik na yangpela manmeri bin go kamap long dispela tonamen na sainim nem bilong long kam wanpela karate manmeri. Total long 120 em ol nupela i jonim.

Planti long ol nupela rekot tu bin kam long dispela tonamen we lukim Kwinslan gol medol wina Dominic Sipapi i lus long divisen bilong em long Junia Billy.

Pot Mosbi na Sentral bin winim planti long ol medol tasol ol Niugini Ailan kamapim wan-



pela gutpela kompetisen long holim ol NCD na Sental.

Presiden Carl Mari i tok tenkyu i go long PNG Gavman long helpim fandim ol trening

kemp na tonamen long olgeta hap long kantri aninit long PNG Spot Federesen na Olimpik Komiti wantaim Go 4 Gold progrem.

Bintangor na EHP sapotim Lahanis tim

Sape Metta i raitim

BISNISMAN na Fren-sais ona bilong Bintangor Goroka Lahanis, Simon Sia i kamap olsem namba wan sponsa long narapela yia bilong tim long taim em i mekim anaunsmen long NSL long Goroka - lsten Hailans long Sande olsem em i givim nau faiv handret tausen kina (K500,000) o haf a milien kina i go long ranim bilong Lahanis tim long 2013.

Na mista Sia i kisim sapot tu i kam long ol arapela lidas long provins na ausait tu. lsten Hailans

provinsel gavman aninit long lukaut bilong gavana Julie Soso Akeke, i givim tri handret tausen kina (K300, 000) long sapotim Lahanis, na tupela lokel memba, em Benny Allan husat em i memba bilong Unggai/Bena ilektoret na Henganofi MP Robert Atiyafa, i mekim komitmen tu long givim fifti tausen kina (K50,000) long sapotim Lahanis.

Narapela memba bilong palamen Wera Mori bilong Suave long Simbu provins husat i save amamas long lukim gutpela pilai em Lahanis i

save kamapim long taim bilong Digicel Kap salens i mekim komyuniti tu long givim narapela 50 tausen kina (K50,000). Na totol mani we i bin kamap long dispela de em i klostu long K1milien.

Gavana Akeke long taim bilong em i presentim sek, i tok spot i save bringim yuniti long olgeta lain manmeri na pikinini bilong lsten Hailans, olsem na em i no rong long sapotim tim bilong ol pipel.

Em i tok, olsem gavan bilong provins, em i amamas tasol long sapotim spot long

olgeta na ragbi lig em i wanpela long ol spots we em na administresen bilong em bai sapotim.

Nau i luk olsem dispela bikpela sapot i mekim na em apim spirit bilong ol pilaia bilong Lahanis husat i go het na daunim Gulf Isapeas 24 -16 long raun wan bilong Digicel kap salens we hom tim Lahanis i hostim long Sande wik i go pinis.

Lahanis bai i go antap long Mendi - Sauten Hailans long bungim Wigmen bilong Hela long raun 2 bilong Digicel Kap long dispela wik.

Wigmen muvim Vipers

i kam long bek pes

Planti fowod bilong Wigmen i mekim planti gutpela pilai na mekim planti brek long lain bilong ol tasol bal save lus long han bilong ol na dispela mekim Vipers i gat ol gutpela sans long skoa.

Namba 16 bilong Wigmen em nupela taim bilong em long pilai long bikpela resis olsem, tasol em pilai olsem em pilai longpela taim pinis long ol bikpela resis.

Em seksekim ol difens bilong Vipers long namba wan hap i go inap pilai pinis, planti fowod bilong Wigmen save pilai long lokol kompetisen tasol inap Hela Wigmen gat tim bilong em yet.

Vipers kam bek strong long namba tu hap long winim Wigmen, we long namba wan hap, skoa bilong tupela bin stap klostu klostu. Vipers 28 winim Wigmen 18.

Long raun namba tu long dispela wiken, Stop N Shop Vipers bai kisim Agmark Gurias long Pot Mosbi, Hela Wigmen bai kisim Bintangor Lahanis long Mendi, WampNga Eagles bai kisim Gulf Isapea long Mt Hagen, Snax Tigers bai kisim TNA Lions long Lae na Enga Mioks bai kisim Mendi Muruks long Wabag.



Moa oil na meat insait



Wigmen muvim Vipers

Nicky Bernard i raitim

NUPELA tim long Digicel Kap Hela Wigmen i pilaim namba wan gem bilong wantaim Stop N Shop Pot Mosbi Viper taim ol opim pilai bilong 2013.

Wigmen i pilaim wanpela strongpela gem long Sande we ol Vipers i ai op long ol. Long namba wan hap Wigmen i no givim wanpela gutpela sans long Vipers.

Vipers i gat 8-pela Kumul pilaia long sait bilong ol tasol Wigmen i mekim dai paia bilong ol taim ol i laik lait long mak bilong Wigmen.

Banis bilong Wigmen i strong olsem ol pilia long yia go pinis, tasol dispela nupela tim i no strong long namba tu hap taim ol kam insait long pilai graun.

Vipers tu mekim senis klostu klostu long ol fowod bilong ol taim ol lukim olsem ol Wigmen i wok long stop ol bikipela fowod bilong ol.

Moa long Pes 35.



PMV

DIESEL OIL



BOROKO MOTORS

PORT MORESBY	☎ 325 5255
LAE	☎ 472 1144
MT HAGEN	☎ 542 1933
TABUBIL	☎ 649 9048
KIMBE	☎ 983 5035
MADANG	☎ 422 2659
KOKOPO	☎ 982 8193
GORDKA	☎ 532 3552

Email: info@borokomotors.com.pg
Website: www.boroko-motors.com

PMV OIL BILONG YUMI